

ASO IULU, 22 OKETOPA 2014

Na nofofa le Nofoa e le Fofoga Fetatali i le itula e 9.00 i le taeao.

Tatalo.

FOROGA FETALAI: E manatu o lea ua maea ona momoli mea i Matautu-Sa ma ua tatou lagona foi ma le agaga faafetai le alofa ma le agalelei o le Afa, ona ua mafai ona tatou potopoto i le manuia ma le soifua faulelei le paia o le Maota Fono i ona tulaga faalupelupe.

Ua vaai atu o lea ua atoa tagi le paia o le Maota i ona tulaga mamalu ma ona paia sauno e masani ai, i le alafai mai i faguga lelei o le paia i lau Afoga i le Palemia ma lau Kapeneta, aemaise o le soiso'i fiafia mai o le Taitai o le Itu Agai ma lea tala-na-atoa o lo tatou Maota nei. Ua faamalo le soifua manuia, ua faamalo le onosai. O le agaga ma le faamocemo, ia faaauauina a tatou galuega i lenei aso ina ia papa avelea a tatou polokalame ua uma ona faataatia tele o a tatou galuega ua uma ona faatulagaina aua a tatou Fonotaga.

O lea, alo maia o le a faasolo a tatou galuega ma le talifonuga o le a tatou galulue faatasi aua le faatinoina o a tatou galuega mo se tauunuga lelei.

E faatalofa atu foi i le taputaiga a lo tatou atunuu i le paia maualuga aua le paia i Aiga ma Tama, o Tama ma Aiga aemaise Faleupu tofia o Samoa, le paia i le Aufaigaluega Paia a le Aua o lo o outou tatalo ma nonomaniu; ua malo le tapuai mai. Ia po mai laia le fala ma ula le mulila a o alo lau Palemene i le faatinoga o galuega i lenei aso.

TUVINA ATU O PEPA

Na tolaulauina e le Fallautusi Pepa nei ua faataatia i luga o le Laulau a Fono e tusa ai ma le T.T.48.

1. P.P.2014/2015 Nu.139, Lipoti Faalelausaga a le Matagaluega o Punaa Faalenatura ma Siosiomaga 2012-2013.
2. P.P.2014/2015 Nu.140, Tali atu a le Malo i le P.P.2013/2014 Nu.117, Lipoti a le Komiti o Mataupu tau Aoga, Saientisi, Fesoootaiga ma Faamatalaga Tekonolosi i le P.P.2013/2014 Nu.72, Lipoti Faalelausaga a le Matagaluega o Fesoootaiga ma Faamatalaga Tekonolosi mo le Tausaga 2010-2011.
3. P.P.2014/2015 Nu.141, Tali atu a le Malo i le P.P.2013/2014 Nu.110, Lipoti a le Komiti o Mataupu tau le Va i Fafu, Fefaatauaiga ma Tipe Maua i le P.P.2012/2013 Nu.67, P.P.2012/2013 Nu.68, P.P.2012/2013 Nu.69, P.P.2013/2014 Nu.70, Lipoti Faalelausaga a le Matagaluega mo Tipe Maua mo Tausaga Faalelupue 2008/2009, 2009/2010, 2010/2011, 2011/2012 & 2012/2013.

22 OKETOPA 2014**Tuuina atu o Pepa**

4. P.P.2014/2015 Nu.142, Lipoti o le Malaga Faa-Palemene a Samoa i le Palemene o Ausetalia, Palemene o Victoria ma le Palemene o Tasmania, 21-26 Setema 2014.
5. P.P.2014/2015 Nu.144, Tali atu a le Malo i le P.P.2013/2014 Nu.108, P.P.2014/2015 Nu.144, Tali atu a le Malo i le P.P.2012/2013 Nu.75, Lipoti Lipoti a le Komiti o Oloa Gaosia Tulaga Muamua, Mataupu tau Pisinisi, Alamanuia ma Leipa i le P.P.2012/2013 Nu.75, Lipoti Faaletausaga a le Matagaluga o Faatoaga ma Faigafaiva mo le Tausaga Faaletupe faaiuna aso 30 Iuni 2011.

TUUNA ATU O LIPOTI A KOMITI FILIFILIA

Na tolaulauina e le Failautusi le Lipoti a le Komiti Filifilia ua faataatia i luga o le Lautau a Fono e tusa ai ma le T.T.51.

1. P.P.2014/2015 Nu.143, Lipoti a le Komiti o Mataupu tau Aoga, Sainenisi, Fesootaiga ma Faamatalaga Tekonolosi i le P.P.2014/2015 Nu.80, Lipoti Faaletausaga a le Iunivesite Aoa o Samoa i le Tausaga Faaletupe 1 Iulai 2011 faaiuna 30 Iuni 2012.

TULAFONO TAU FAAOFI MO LOIA MA LE FAATINOGA O GALUEGA FAA-LOIA 2014 – faitauga faatolu

FOFOGA FETALAI: Tulai mai lau Afioga i le Palemia.

Susuga Hon TUILAEPA FATIALOFA LUPESOLIAI AIONO NEIOTI SAILELE MALIELEGAOI (Palemia): Lau Afioga i le Fofoga Fetalai ou te faatu le lafo, *Ina ia faitauna nei le Tulafono Tau Faafoti mo Loia ma le Faatinoga o Galuega Faa-Loia 2014 i lona faitauga faatolu.*

Faahuaina e le Minisita mo Pisinisi, Alamanuia ma Leipa ma le Minisita mo Tina ma Tamaitai, Atinae o Nuu ma Afioga ma Agafesootai.

Na faamaonia le lafo ma faitauna ai le Tulafono Tau Faafoti i lona faitauga faatolu ma ua faapea ona pasta le Fono Aoa Faitulafono.

TULAFONO TAU FAAOFI O TEUTEUGA O LE TULAFONO O LE FAAFOEGA O LAFOGA 2014 – faitauga faatolu

FOFOGA FETALAI: Tulai mai lau Afioga i le Minisita mo Tupe Maua.

22 OKETOPA 2014

**Tulafono Tau Faaofi o Teuteunga o le Tulafono o le Faafoega
o Lafoga 2014 – faitauga faatolu**

Tofa Hon TUILOMA LAMEKO (Minista mo Tupe Maua): Lau Afoga i le Fofoga Fetala faapea sui usufono o le Palenene, ou te tulai atu ma le faaalalo e faatu le lafo, *Ina ia faitauna nei le Tulafono Tau Faaofi o Teuteunga o le Tulafono o le Faafoega o Lafoga 2014 i lona faitauga faatolu.*

Faaluaina e le Minista mo Pisinisi, Alamanuia ma Leipa ma le Minista mo Tina ma Tamaitai, Atinae o Nuu ma Afoga ma Agafesootai.

Na faamaonia le lafo ma faitauna ai le Tulafono Tau Faaofi i lona faitauga faatolu ma ua faapea ona pasia le Fono Aoa Faifulafono.

**TULAFONO TAU FAAOFI O TEUTEUGA O LE TULAFONO O LE
FAAMASINOGA A LE LAIOLAGI MO SOLITULAFONO FAAYAO
MALO 2014 – faitauga faatolu**

FOFOGA FETALAI: Tulai mai lau Afoga i le Palenia.

**Susuga Hon TUILAEPFA FATALOGA LUPESOLIAI AIONO NEIOTI
SAILELE MALIELEGAOI:** Lau Afoga i le Fofoga Fetala ou te faatu le lafo, *Ina ia faitauna nei le Tulafono Tau Faaofi o Teuteunga o le Tulafono o le Faamasinoga a le Lalolagi mo Solitulafono Faava o Malo 2014 i lona faitauga faatolu.*

Faaluaina e le Minista mo Pisinisi, Alamanuia ma Leipa ma le Minista mo Tina ma Tamaitai, Atinae o Nuu ma Afoga ma Agafesootai.

Na faamaonia le lafo ma faitauna ai le Tulafono Tau Faaofi i lona faitauga faatolu ma ua faapea ona pasia le Fono Aoa Faifulafono.

**TULAFONO TAU FAAOFI O AUAVUNAGA LAGOLAGO FAA-
SOFUA MALOLOINA 2014 – faitauga faatolu**

FOFOGA FETALAI: Tulai mai lau Afoga i le Minista mo le Sofua Maloloina.

**Afoga Hon TUTTAMA TALALEILEI TUTTAMA (Minista mo le
Sofua Maloloina):** Lau Afoga i le Fofoga Fetala ou te faatu le lafo, *Ina ia faitauna nei le Tulafono Tau Faaofi o Auavunaga Lagolago Faa-Sofua Maloloina 2014 i lona faitauga faatolu.*

Faaluaina e le Minista mo Faataga ma Faigafaiwa ma le Minista mo PunaFaalenatura ma le Siostomaga.

Tulafono Tau Faaofi o Teuteuga o le Tulafono o Fomai 2014 – faitauga faatolu

Na faamaonia le lafo ma faitauina ai le Tulafono Tau Faaofi i lona faitauga faatolu ma ua faapea ona pasta le Fono Aoa Fautulafono.

TULAFONO TAU FAAOFI O TEUTEUGA O LE TULAFONO O FOMAI 2014 – faitauga faatolu

FOFOGA FETALAI: Tulai mai lau Afioga i le Minisita mo le Soifua Maloloina.

Afioga Hon TUITAMA TALALELEI TUITAMA: Lau Afioga i le Fofoga Fetalai ou te faatu le lafo, *Ina ia faitauina nei le Tulafono Tau Faaofi o Teuteuga o le Tulafono o Fomai 2014 i lona faitauga faatolu.*

Faaluaina e le Minisita mo Punaoa Faalenatura ma le Siosiomaga, le Minisita mo Aoga, Taaloga ma Aganuu ma le Minisita mo Faatoaga ma Faigafatava.

Na faamaonia le lafo ma faitauina ai le Tulafono Tau Faaofi i lona faitauga faatolu ma ua faapea ona pasta le Fono Aoa Fautulafono.

TULAFONO TAU FAAOFI O TAGATA TOMAI TAU PALAMA 2014 – faitauga faatolu

FOFOGA FETALAI: Tulai mai lau Afioga i le Minisita mo Galuega, Felauaiga ma Atinae Eseese.

Afioga Hon MANUALESAGALALA ENOKATI POSALA (Minisita mo Galuega, Felauaiga ma Atinae Eseese): Lau Afioga i le Fofoga Fetalai ou te faatu le lafo, *Ina ia faitauina nei le Tulafono Tau Faaofi o Tagata Tomai Tau Palama 2014 i lona faitauga faatolu.*

Faaluaina e le Minisita mo le Soifua Maloloina, le Minisita mo Aoga, Taaloga ma Aganuu, le Minisita mo Punaoa Faalenatura ma le Siosiomaga ma le Minisita mo Leoleo ma Falepuipui ma Auunaga o Tinei Mu.

Na faamaonia le lafo ma faitauina ai le Tulafono Tau Faaofi i lona faitauga faatolu ma ua faapea ona pasta le Fono Aoa Fautulafono.

22 OKETOPIA 2014

**TULAFONO TAU FAAOFI O TEUTEUGA O LE TULAFONO O LE
PULEGA O TUPE A LE MALO 2014 – felafolafoga faavaau i luga o le
faianga faalua**

FOFOGA FETALAI: E tolopo le Fono i le aso ananafi o lo o faavaau felafolafoga i lenei Tulafono Tau Faaoifi ma e manatu ua malamalama le folasaga a le Taitai o le Malo i le aso ananafi, ae e i ai nai sui usufono na tutulai mai. O le a avatu pea le avanoa pe ua faamalieina? A leai o le a avatu loa le fesili.

O le avanoa mulimuli lea o le a tuu i le Sui Taitai o le Iru Agai.
Tulai mai lau Afioega i le Sui Taitai o le Iru Agai.

Afioega Hon AEAU PENIAMINA IEAVAISEETA (Falealupo): Lau Afioega i le Fofoga Fetalai, ou te tulai atu lava i le agaga faaalalo i le pau o le Maotaga nei i le usua o le Fono a le atunuu. E faatalofa atu foi i le faafofogaaga a lo tatou atunuu.

Ou te tulai atu lau Afioega i le Fofoga Fetalai e fia fai se sao puupuu e tusa ma lenei Tulafono Tau Faaoifi, o le Tulafono Tau Faaoifi o le Pulega o Tupe a le Malo 2014. Ou te talitonu e pei ona malele le Afioega i le Palemia i le aso ananafi i le taua o le Tulafono Tau Faaoifi lenei, leaga o i e auga uma i ai faiga faavae o le faasosaina o tupe a le Malo, ma e mafanafana foi lenei sui usufono. E taua le Tulafono ma le o le a faagaioia le Tulafono, faatinoina i ona o'oo'oga o le Afioega lea i le Palemia, ia faamalo. Ua logona le Maotaga ma le faafofogaaga a le atunuu i le agaga o faiga faavae a le Malo i le faasosaina o ana tupe -- ma sa faamuanua le fuaitau lea e faamamafaina, e sao lelei le Afioega i le Palemia. O le faasosaina o tupe o Malo, e le faigofie, e fuafua, lona uiga e plan, somehow ae le definite ae le mauu, fuafua ona aumai lea ona fatino lea o galuega, a alu alu ua e le lava, ia toe oomi atu, e faapena. I lau maitau la i le aso ananafi, o le umi ia ona fofogaina i le malelega a le Afioega i le Minisiga o Tupe po o le Palemia le upu lea o le fuafua, fuafua tatau, fuafua lelei, fuafua. A o na fuafuaga i so o se vaega lava o tupe faaalu, e le maurinoa, a alu alu la ua aea ona toe.....lea, e taua le sao, ou te talitonu e lagolagoina uma lava e le mamalu o le au faafofogaaga lea fuaitau. O le agaga la o se matou faumafai atu a lenei usugafono i se tualalo, e le o se fauthaga, o aga ia faale-Iturnalo lenei, o lena e i ina le tofa, o le tualalo, faataatia ane i ina. I lau maitau i fahia ua mavae i le tatou Malo i tupe faaalu, masalo na sau lava i le plan lea, fuafua, a o ona tafafata ane e leai la ni ona tua, e leai se faatapuaitina, aua e manuia le aumai fuafua pasia-gofie, a o ona tua, o le vevesi ia pe a i ai ni faafuafu, e mafua mai i le mea lea o le fuafua, aua ua uma ona avatu le fuafuaga, ua le fetauti ia le mea lea ua fai. O le tualalo la a lenei usugafono, leaga o le mea lea o le fuafua, o le sipelaina o le upu lea i lau vaai ma aga ma tulaga ua tatou vaasia nei ma tatou molimauina, e le o ni upu e aveane ai upu ia. O le fuafua, f, u, a, f, u, a, fuafua, ae mafai foi ia i le upu lava lea e tasi ona faapea, f, a, u, f, a, u, faufau, e o faatasi la upu ia e lua, ia se i.....

FOFOGA FETALAI: Malie le sui usufono, se i avatu le faamalamalama sa o le fuafua.

22 OKETOPA 2014

Tulafono Tau Faaofo o Teuteuga o le Tulafono o le Pulega o Tupe a le Malo 2014 – felafalafoga faaauau i luga o le faitauga faalua

Susuga Hon Tuilaepa Fatialofa Lupesolilai Alono Neiotti Sallele Mailiegaoti: Lau Afioga i le Fofoga Fetalai, e manaia le aoga a le sui usufono, aemaise lava o lea lava ou te iloa e lua ituaiga PI, o le isi o le Pi Tautau o lea e aoao ai isi, a o isi e aoao i le fa, fe, fi, lo, lua. O lea la ou te matau atu i le fuafua lea, e fua, tasi, toe fua, lua, e lua la fua. E lua la fua?

FOFOGA FETALAI: la faaauau le saunoaga le sui usufono mamalu.

Afioga Hon AEAU PENIAMINA LEVAISEETA: Lau Afioga i le Fofoga Fetalai, aua e taua ia o lea upu aua o le upu e silafia uma e amata mai lava i le Kindergarten e oo i luga i taimi foi o failauga o taimi o tu ma aga, e malamalama lelei i upu ia, o le fuafua ma le faufau, na ona feliuai lava.

I tala o le ea i lenci vaiatau, e mamao matou ae matua malamalama ma lagona mai i Falealupo mea ia o lo o tutupu. O lo o i lumamea le lafo i le tulaga lea i lipoti e le i oo mai e le i tali mai i ai le Malo ma le vaaliga a nisi foi o komiti o le Palemene.

I le vaai la i ai, pei lava o sa matou upu amata o le tuualalo, e le o se fautua, o lena e i ina le tofa, a o le tuualalo e faapea, vaai i fuafuaga ia leaga e filo ai i totonu pe a soona tuufau e filo ai i totonu pe a faaletonu le faufau, o le faufau, o ni fuafuaga a se vaega foi lea tai pei o lo o moomia ia pe tatou te....ia o mea lava e tutupu i le soifuaga nei, e le mafai ona fai mai se isi e le tofo, o la e tupu. A lea na tupu? A lea sa tupu? A lea na tutupu? A lea o lo o tatou aafia ai? Ioe. Na ona lafo atu faapena. Aua o mea ia e aitali mai i le fuafua lea, na ona sese lava, e le selau afe, e miliona, o lona uiga e sese le fuafuaga. O le mea lea e le alualua te agaga lea e fai atu. A o fuafuaga ia ma tupe e aumai ma pasia e le Palemene, amanaia le tulaga lea, a sasi le fuafua, po o ua ova le fuafua, vaai leaga e i ai i totonu le mea e tau o le faufau. O le mea lena e faigata tele, leaga o lea na tupu, o lea ua tatou aafia ai ia ma lafo atu i le Pulega. O le mea lea ou te lototele ai ma ou fiafia, o lau Afioga i le Taitai o le Malo, a sasi le Tulafono lea i ni mea e toe tutupu mai, e aafia mai i i. Manuia le Fono.

Afioga Hon Palusalua Faapo II (Taitai o le Itu Agai): Lau Afioga i le Fofoga Fetalai.....

FOFOGA FETALAI: Malo faafetai saunoo. Ia o lea ua matele le Sui Taitai. E te toe fia saunoo le Taitai o le Itu Agai o lea sa e saunoo ananafi?

Afioga Hon Palusalua Faapo II: Lau Afioga na ou tulai atu ananafi ae fai mai se i oo i le aso, o lea la ua ou.....leaga e taua tele le Tulafono.

FOFOGA FETALAI: Ia.

Afioga Hon Palusalua Faapo II: A na faapea na lavea i se saunoaga, ia ou te le tulai. Na ona faanoj atu pe.....

22 OKETOPA 2014

Tulafono Tau Faaofi o Teuteunga o le Tulafono o le Pulega o Tupe a le Malo 2014 – felafolafogaiga faaauau i luga o le faitauga faalua

FOFOGA FETALAI: Ia o le a avatu pea leega o lea ua maua lou finagalo ona o le saunoaga a le Sui Taitai. Ia tulai mai e faapuupuu mai ona sosoo mai ai lea ma le sui usufono mo Aana Alofi Nu. 3, ia ma se tasi o sui usufono mo Salega, Afioaga Atualo Wood Ufi Salele lea sa taumafai mai ananafi.

Tulai mai le Taitai o le Ilu Agai.

Afioaga Hon PALUSALUE FAAPO II: Ia faafetai tele lava i lau Afioaga mo le avanoa ua tuuina mai, ona o lenei Tulafono o se Tulafono Tau Faaofi tele, aemaise lava i tulaga o pullega o tupe a se Malo. Aua o lea ua aumai nei, ia o le malosiaga lea o le a ave i le tagata e toatasi, o ai? o le Minisita o Tupe. O le taimi nei o lo o i le Afioaga i le Palemia. E fuafua ai ia aemaise le faataatiaga ina ia pullea lelei tupe a lo tatou atunuu. O lea ia ua taatia mai, pau lava le atugaluga ia te au, o le upu masani foi lea a le atunuu, 'o le tele o sulu e tele figota e maua.' Pei o le mea lea e agai ai nei, lea ua...i le matafai o a Minisita taitasi ma Pulega ma Matagaluega. O lea ua foliga mai o lea ua tuuafatasi i i e tusa ai ina ia mafai ai ona pullea lelei ma silasila i lona tulaga aaoetele ma faatonutonu ai ia le tulaga i pullega o a tatou tupe aemaise o ainae tetele a le atunuu. Pei o le tulaga lena, aua e tele lava o mea sa aumai iinei, o lea lava e aumai i totonu o le Palemene, pasia atu ai. A o lou atugaluga lena e popole ai, ia avea le Tulafono lenei ma Tulafono Tau Faaofi e maua ai malosiaga e pullea ai lava e le tagata e toatasi ia le faagaaoiiga ma le faagasologa o tupe a lo tatou atunuu.

O le isi tulaga lea e maofi mai i i matafai o le a feagai ma le Minisita o Tupe, o le faataatiaga lea o le pullega o lo o i ai o aitalafu a le Malo, aua o le mea lava lea o lea e tata logo atu ai pea Masefau i lenei itu, ina ia silasila totoa i aitalafu a le atunuu, aitalafu aua o lea lava e faatagenu a tatou saunoaga, matua nono mai tupe e fai ai manu o mafai i le taimi lenei. Ia a o lea lava e vahuvahusia pea aa o le fau i lau Afioaga i le Palemia o le Minisita o Tupe, se i silasila i ai i le tulaga lea, talosia o aumai i i ma faapitua i le Tulafono Tau Faaofi lenei ina ia silasila totoa i ai i a tatou aitalafu, ina ia faatonutonu lelei ma fuafua lelei i le tulaga ua i ai nei. E tele ia fautuaaga ua aumai mai i a tatou paaga i fafo o lo o maua mai ai a tatou fesosoani, aemaise lava o le Faletupe o le Lalolagi, Faletupe o Asia ia o lo o fauha mai ai pea ina ia silasila totoa lo tatou Malo i le maualuga ua i ai nei a tatou aitalafu, e fuafua i le GDP a lo tatou atunuu, o lea ua savali'vahi atu nei i luga i le 70%, e le o se lamai faatusatusa lea e fuafua i le tamaoitiga ma le tupe o lo o taamilo i totonu o le tatou atunuu. A o le Tulafono Tau Faaofi la lea ua faatatia mai nei, ia o le a talitonu, ia o le a silasila totoa i ai lau Afioaga i le Palemia o le Minisita o Tupe, aemaise ina ia faatatia lelei mai ia faaauaunauaga ma tulaga faapena ina ia marino ai ia lo tatou atunuu i tulaga o aitalafu a lo tatou Malo.

Lau Afioaga i le Fofoga Fetalai, na ona avatu pea o se tuualalo i lau Afioaga i le Minisita o Tupe ina ia silasila totoa i ai, aua ua tele a tatou ainae ua faia ma ua mainau ai le tele o tupe.

Tulafono Tau Faaofi o Teuteuga o le Tulafono o le Pulega o Tupe a le Malo 2014 – felafolafoaiga faaauau i luga o le faitauga faatua

O le tasi lea tulaga lelei o lea ou te tilotilo atu i ai, ia silasila ma faatonutonu lelei le faiga o atinae, atonu o le a silasila totoa i ai, aua o le mea lea e tupu nei, na ona o lava o le Komiti Faafoe o lea Faalapotopotoga ma lea Faalapotopotoga, fai a latou atinae, e aunoa ma le silasila i ai, e muamua lava ona aumai i le Kapeneta e pasia ai pe afai ae tele se atinae, a o aiaiga ma silasila i ai i le tele o tupe a le atunuu e alu ai, ae uma ifo, e leai se tupe e maua mai ai, na o tupe gau ma tupe gau e faia pea, ae ou te talitonu, o le Tulafono Tau Faaofi lea o le a silasila i ai ma mautinoa ai e le Matagaluega o Tupe o atinae e faia ma faatinoina, e manuia ai le atunuu, ae le o le gau ai pea o le atunuu. Pe ...ae lava lau Afioiga i le Fofoga Fetalai, i le taua o le Tulafono Tau Faaofi lenei, ae le o le gau ae saga alu ai lava tupe e fai ai, ae atonu o le Tulafono Tau Faaofi la lea o le a silasila totoa i ai le Matagaluega o Tupe aua o latou, e aumaia lipoti i totonu o le Kapeneta e silasila i ai i le taua o lea atinae ma lea atinae. E le faapea e matou te fai atu e leaga atinae, leai, matou te lagolago i le atinae e manuia ai le atunuu, aemaise ina ia puipuia ai a tatou tupe e utiuti o tupe o lo o maua mai ai fesoasoani mai fafo, ae leai ma se return o maua ai a lo tatou Malo.

Ia pau lea o le mea ua ou tulai atu ai lau Afioiga i le Fofoga Fetalai i lenei Tulafono Tau Faaofi, talosia ina ia faataoto lelei ai tulaga ia mo le fuafua lelei, fuafua tatau, e le gata i a tatou aitalafu, a o tatou atinae o lo o faagasolo o lo o tele tupe o lo o alu ai. Ma lou faaaloalo lava.

FOFOGA FETALAI: Malo faafetai tuualalo. Ia o le a avatu le avanoa mulimuli mo le sui usufono mo Aana Alofi Nu. 3, o lea ua faailoa mai e le formai o le tamaoaiga e le fia saunoo ua maie ia i le Tulafono Tau Faaofi. Tulai mai le sui usufono mo Aana Alofi Nu. 3.

Afioiga TOEULESULUSULU CEDRIC POSE SALESA SCHUSTER (Aana Alofi Nu. 3): Faafetai i lau Afioiga i le Fofoga Fetalai mo le avanoa. E lua lava nai vaega faamolemole lau Afioiga i le Fofoga Fetalai e avatu ai se fautuaga, aemaise lava mo le Komiti o le a iloiloina lenei vaega o le Tulafono Tau Faaofi.

Muamua lau Afioiga i le Fofoga Fetalai, o le Vaega 78A i le (f); e talitonu lau Afioiga i le Fofoga Fetalai, e le o maua i le faaupuga o lo o i ai i totonu i le agaga o lo o manaomia ai le authority a le Minisita, ona e talitonu o le faaupuga o lo o i ai nei o le mea lava lea o lo o i ai nei. A i ai ni aafiaga faalenatura o lea e plan ahead, ae le o faasaua i totonu o le Tulafono Tau Faaofi le agaga, atonu o le avanoa lea e mafai ai e le Minisita o Tupe po o le foi o le a vaai lea vaega ona faaleleia ia i ai ni faatupega faapoopo mo le faaleleiga o aafiaga mai mala faalenatura, ona e talitonu o le faaupuga o lo o i ai nei o galuega o lo o faatino pea i le taimi nei, ae le o i ai i totonu o le Tulafono Tau Faaofi se vaega e ave ai le authority mo le taimi o natural disaster ina ia mafai ona i ai faaunegatupe faapoopo.

O le vaega lona lua lau Afioiga i le Fofoga Fetalai, o le vaega lea o le quarterly summaries.

22 OKEŌPA 2014

Tulafono Tau Faaofī o Teuteuga o le Tulafono o le Palega o Tupe a le Malo 2014 – felafolafoaiga faaanau i luga o le faitauga faalua

Faafetai lau Afioega i le avanoa lea ua mafai ai ona provide e le Ofisa o le Tupe quarterly summaries i tausaga taitasi. Peitai ane lau Afioega o le tuualalo, ona o lea ua taua mai e ao ona faatinoina i kuata taitasi o le tausaga ona ave lea i le Ofisa o le Audit ona faasalalaina lea i totonu o nusipepa. O le lagona lau Afioega, atonu o se avanoa taua foi lea e tatau ona tuu ai i totonu e faao mai i totonu o le Palemene. E i ai se lagona afai ua faasalalau lautele, e ao ona i ai foi se malamalamaaga o le Palemene, e tapena ai foi e le gata i le Komiti o Tupe, a o le tatou Palemene i le oo mai o le Budget i le isi tausaga a ua i ai se malamalamaaga i Lipoti nei i tausaga taitasi. Faafetai.

FOFOGA FETALAI: Malo, Tulai mai lau Afioega i le Palemia, ona tuu atu ai lea o le tatou Pesili e faaanau ai le tatou Tulafono Tau Faaofī.

Susuga Hon TUILAEPFA FATIALOFA LUPESOLIAI AIONO NEMOTI SALELE MALIELEGAOI: Lau Afioega i le Fofoga Fetalai, o le a ou amata atu i Falealupo. O upu tomua a Falealupo, le sui usufono mo Falealupo, o lo o aumaiā ai ma faatua le upu fuafua, fuafua tatau lea o lo o tuliloa mai lau faamalamalamaaga o le agaga tonu o le Tulafono Tau Faaofī. Ona sau ai loa lea o lana saunouga e faapea, i tua atu o le fuafua tatau e leai se tuaoi, leai se tapulaa. O i ina tonu lava ua atagia ai le sese atoafia o le langa a Falealupo, o le leai o se tapulaa. A leai se tapulaa o lea e i ai tapulaa. O mea nei o fuafuaga o le tatou tamaoaiga e pei ona ou avatua ananafi, e faataoto fuafuaga, ona tatou faagasolo loa lea e faatino, ae faatino i le Tala o le Tupe. Ia, e i ai taimi e alu alu ai se vaega o fuafuaga ua fai e le faatino, ae i ai foi taimi e alu alu ai ua ova le faatino. O le uiga lena o le soifuaaga lea tatou te i ai. O fuafuaga foi tatou te faia, e le faia tutunoa ni fuafuaga, e fai fuafua i mea na tutupu i le la tausaga. O lona uiga ia e leai ni mea e faia tutunoa. Se i vagana le tagata e le i galue i totonu o le Ofisa o le Tupe ma faufau mai ai le Tala o le Tupe ona le malamalama lea i mea ia. E le i faia tutunoa ni fuafuaga e aumai i totonu o le Maota lenei. Ia manatua foi, e i ai le upu faapea a i latou o lo o i ai le tomai faa-historic, i latou e faamauina tala o mea e tutupu i lo tatou olaga, tala faasolopito.

O le manatu autu e faapea; a e fia malamalama i mea e tutupu i le Iumana'i, vaai i mea na tutupu i le tuana'i, aua o mea na tutupu i aso ua pasi, o i ina e faatonutonu mai ai le Iumana'i. Aisea? Aua foi e i ai le tofamamao, o le mea e tupu e toe tupu foi. O lona uiga, afai ua i ai ni lesona lelei ua tatou experience ina ma tatou iloa, o lesona lelei na e tatau ona tatou mulimulifitai ai. Ae afai foi o i ai ni lesona faaletonu, o lesona na e tatau ona tatou faia le fuafuaga e aua ne i toe tupu mai. E faapena ia mea o fuafuaga mamao a le tatou Malo e faataoto, e i ai lava e ua togia i ia foi matafaioti, o le forecast ae faavae i le toe mataitu lelei o galuega sa faatino i lea tausaga ma tausaga ua mavae atu, mataitu po o a mea sa faaletonu. O mea ia na a le foia, e ono toe faaletonu ai foi fuafuaga mo le tausaga fou. E le o ni mea tutunoa la mea e aumai i totonu o le Maota lenei, o mea ua fuafua lelei.

Tulafono Tau Faaofi o Teuteuga o le Tulafono o le Pulega o Tupe a le Malo 2014 -- felafolafoaiga faaauau i luga o le faitauga faalua

E pei ona ou fai atu, o le lalolagi lenēi tatou te i ai, o le lalolagi matua saosaoa le mea lea e i ai le lalolagi lenēi. O le isi mea e saosaoa ai, ua alu i luga le tau o mea, fesuisui ai le exchange rate, fesuaiga o tupe. O le fesuaiga o tupe, e oso ai i luga ma le tau o oloa ona le feaunatai ai lea o fuafuaga sa faataoto. Ae oo foi i le suiga o tupe, e take into consideration mea uma ia, e fuafua uma lava le tulaga e ono oso ai i luga le inflation i le tausaga fou. A foi lea e aumai lava i le lauga a le Minisita o Tupe, e folasia atu ai i le amataga fuafuaga mamao i mea e tutupu i Amerika ma atunuu i fafo. Aua foi o mea e tutupu i fafo, e oo mai ona galugalu i Samoa nei. O le ala lena e taua ai tele, a oo ina tapena le lauga a le Minisita o Tupe mo le faasilasila atu i le atunuu atoa, e amata mai i le vaaiga lautele i mea e tutupu i fafo, le economy, i le fesuisiitai o le tau, fesuisiitai o le tulaga o le tupe maua GDP a atunuu, ma le fesuisiitai o le tau o le soifuaga i atunuu mamao. O i ina ia e fau ai mafaufauga ia e aumai i totonu o le Tala o le Tupe lea. E le o ni mea la e tutunoo, ae i ai lava mea e tutupu e le mafai ona taofiofia, aemaise pe a malosi le osofaiga o le taua i le Middle East, Arapi Tutofonu. O lea ua oso mai le Ebola, e aafia uma ai lava le lalolagi, e aafia ai le fesuaiga o tupe a atunuu, e aafia ai le lalolagi atoa. I le taimi lenēi, a oo ina talanoa i le maketi o le lalolagi, e tasi lava le maketi. So o se mea tele lava e aafia ai se atunuu mamao, e oo mai iava iinei ona galugalu, leaga e aafia uma ai lava atunuu o le lalolagi.

Lau Afioa i le Fofoga Fetala'i, o mea na e le mafai ona tatou pulea. A o le upu lea o le leai o ni tua'oi, e leai ni tapulaa, o lea e i ai tatou tapulaa. O a tapulaa ia? A lea e faatonutonu mai e le Tulafono aupito maualuga a Samoa o le Faavae. O le a le tapulaa lena e tau mai i ina? O le 3%. O i ina foi lea e tali ai le manatu lea sa aumai e le isi sui usufono pe a oo i taimi o faalavelave faafuase'i, ona tago lea i le 3%. O le ala lena na ala ai ona faataoto mai e le Faavae.

Sa na o le 1% sa i ai, ona aumai foi lea i le Kapeneta lenēi le Teuteuga o le Faavae, ua le lava le pasene e tasi, ua le iloa po ua ono ea po ua valu tausaga talu ona aumai le teuteuga lena o le Faavae. Ua le lava le 1%, ua oo tatou i le maualuga o tau e toe faaleleia ai le tamaoiga pe a oo ina oso mai afa. O lea la ua 3% ai e mafai ai ona aapa i ai le Kapeneta e aunoa ma se tau apaapa mai i se faatagaga a le Palemene. O lea la ua taoto mai le 3% lena e gaioi ai le Kapeneta e aunoa ma le toe apaapa i se isi pule. O lea ua aumai le pule mai totonu o le Faavae e mafai ai ona faaalu e le Malo se vaegatupe e le i pasia atu i le Palemene lenēi, ae faataga mai e le Faavae e mafai ona oo i ai le malosi o le Malo, ae faamuta i le 3%. Se i vagana foi la ua silasila atu Afioa i le Kapeneta, le Sui Palemia ma Minisita o le Kapeneta e le talafeagai e toe moomia nisi tupe ona valaau loa lea o le tatou Fonu. O lea foi la ua i ai le uta fetala'i, ia manatua foi o le uta a le poto e fetala'i. O le uta fetala'i lena lea na toe teuteu ai le tatou Tulafono Tumau.

O aso la, sa na o le tasi lava le Fonu, a sau lava le Malo e manao e tasi le Fonu, e tasi lava le Fonu, na o le Fonu e talanoa ai le Tala Autu o le Tupe, ona sau sau lea ua lua Fonu.

22 OKETOPA 2014

Tulafono Tau Faaofii o Teutengua o le Tulafono o le Pulega o Tupe a le Malo 2014 – felafolafolaiga faaanau i luga o le faitaunga faalua

O le agaga lena i le tele lava o e fai mafaufau, ua lava le tasi o le Fono a le Palemene. Ia sa na o le tasi lava la le Fono sa masani ai, ona sau sau ai lea lua Fono, o le Fono o le Tala Autu o le Tupe ma le Tala Faapoopoo o le Tupe. O le a la le mea lea ua i ai nei? Ou te iloa po ua fitu ea Fono. O lona uiga, e leai lava se mea e toe popole ai, o lea lava ua faataoto tatou Fono e mafai ona Fono ai pea, o lea ua tatou Fono i lenei foi masina, e le o toe mamao foi Novema. Tesema toe Fono foi, uma Tesema toe fono foi ia Ianuari e faamaea le Tala Faapoopoo o le Tupe. O lea la e i ai le tulaga i tuaoi po o tapulaa, o i ina tonu lava lea na ou fai atu ai i le amataga, e sese atoa ai lava i ina le lauga a Falealupo, faaletonu atu ai ma lauga a isi sui usufono ia na mulimuli mai.

Afoga Hon Aeau Peniamina Leavaiseeta: Lau Afoga i le Fofoga Fetalai...

FOFOGA FETALAI: Faatoa maua lou avanoa pe a uma atu le folasaga...

Afoga Hon Aeau Peniamina Leavaiseeta: O lona uiga la... Ia lelei, lelei.

FOFOGA FETALAI: O ia, tulai maia le sui usufono mo Falealupo.

Afoga Hon Aeau Peniamina Leavaiseeta: Lau Afoga, o le Tulafono Tau Faaofii lea tatou te talanoaina nei, le Finance Management Bill, e faasino lea i coordinating activities o le Government Sectors i latou development projects, ainae, ok. Ia mo se faatalaiga la, o le uiga tonu lena masalo ne i te i ua ta le fetau i le corner lea. O le mea lea e fai atu, na o se faatalaiga, o le fale foi lea i le malae tapoto, mo se faatalaiga, that is a project. Ona fai loa lea o fuafuaga, fuafua le tupe e ave i ai, ae uma ane, e \$1.5milion le ova. Manatua a 15 developments faapea ae 15 - ua e maua mai le... peiseai o le agaga lena na mafua ai. O le a le mafuaaga o nai mea faaletonu ia e i totonu i i? O le mea la lena na ou fai atu ai, pei o le agaga lena.

FOFOGA FETALAI: Ia, o lea ua maua le faatusa a le sui usufono, o lea ua i ai. Tulai mai lau Afoga i le Palenia.

Susuga Hon TUIHAEPA FATIALOFA LUPESOLIAI AIONO NEIOTI SAILELE MALILELEGAOI: O le isi tulaga faaletonu tele o lau example lea na aumai, e leai ni tupe o avea i le malae tapoto. O le tulaga la lena i le mea lea o le leai o se tapulaa, o lea lava ou te iloa fuafuaga ua le feaunautai. O lea lava e i ai le avanoa e mafai ai ona tatou faia nogatupe e mama tului, ma o le faavae lava lea na sau ai Samoa i le amataga, o le tatou tapa tatou te le o i le maketi e aumai ai nogatupe taugata la e sese ai le tele o atunuu ma tele ina mafatia ai o le o i le maketi. O lona uiga o le o i faletupe e sau i luga tului po o le 20%, a o tatou tatou te le o i ai i na mea, tatou te o i faletupe e mama tului. O le ala foi lena e mafua ai ona amanaia tele ma aloatia lea tulaga tau tupe o faiga faavae a le tatou Malo.

Tulafono Tau Faaofi o Teuteuga o le Tulafono o le Pulega o Tupe o Tupe a le Malo 2014 – felafolafolafoaiga faaauau i luga o le faitauga faalua

E pei ona agai foi i ai se manatu i faiga faavae ia i mea tau aitalafu. O faiga faavae lava ia o mea tau aitalafu, o faiga faavae lautete e faatafagalua mo atunuu uma. A o le mea lava ia e faataua, o le malosi e service ai nogatupe, capacity to service, ia loads. O lona uiga o le malosi e totogi ai aitalafu. A lea sa ou faasilasilaina atu foi le mau miliona ma miliona na aumai fai ai le tatou malae vaatele. A o lea foi na ou tau atu na o le \$400 le mea e totogi i le tausaga. O lea sa ou tutu atu i i ma faasilasila atu le itulau lea e avatu, ina ia outou malamalama ai i le uiga moni o le mea lea e talai atu e le Malo. E tatou te o i le auala e mauagofie ai a tatou nogatupe ona o le tulaga foi lea e togitogi e mama le tului. Ae le soona avefa foi i faalapopotoga na, e le soona avefa i ni atunuu e faatamala a latou fuafuaga tau tupe. E tilotilo lelei lava i le malosi. O le malosi lea e i ai tatou i le taimi lenei i le totogi aitalafu, na o le 5% e fua lea i le tulaga o a tatou foreign exchange earnings. O tupe ia tatou te maua i le tausaga mo le toe okaina mai o oloa ma totogi ai aitalafu, tupe a isi atunuu. E fua ia i lena, ae o lea sa ou i ai nei i le faletupe o le falolagi na ou tapa ai ma ou vaai i ai i a latou faamaumauga, o le tulaga lena. E 5%. O le a le uiga o lea mea? O \$1 taitasi lava tatou te maua mai fafo, na o le 5% lava e alu i le totogiina o a tatou aitalafu, a o le isi 95% o le mea lena e tafilii saunoa ai tatou.

Lau Afioa i le Fofoga Fetalai, o le mea lena aua e te popole vale ai fua oe Palu, e leai se mea e te soona popole ai fua. O le upu lea faapea leaga ua i ai mea tutupu, e sao lelei le upu lea, e sao lelei le upu lea, i la outou fautua mai, leaga ua i ai mea ua tutupu. O lena e sao lelei lava le upu lena. E sao le upu lena i le tulaga lena, o le ala tonu lava lena na ala ai ona tumalo le HRRPP, ma toe aumai pea e le atunuu i le valu faiga palota i le 32 tausaga lea ua i ai nei o tutu i i. Ma sa ou i ai i tofonu i le taimi lena i le tau faaftoitina o a tatou fuafuaga mamao, o lea la e alu ai lava. Sa tatou i ai foi ma lau Afioa i le Sui Taitai ma le Taitai, sa tatou nutimea faatasi ai lava i i. O lea lava la lua te iloa o lea e lelei lava le faagasologa, ae pei o lena e te lua polokiki mai i le tulaga o le faafefe o tatou. E leai se mea e te lua popole ai, o mea lava ia sa tatou faia a o oulua i i, o lea e sosolo ai lava i luga, e leai se mea lua te popole ai.

Lau Afioa i le Fofoga Fetalai, o le tali atu lena i mataupu na laga mai.

FOFOGA FETALAI: Malo faafetai. E manatu ua malamalama ma manino le folasaga a lau Afioa i le Palemia. Faafetai atu foi i le paia ma le mamalu o lea Itu o le Maota. E taua finagalo lagalaga ma ave le fuualalo lelei ma le tuualalo e maua ai le finagalo saili ma le finagalo mautonu o le tatou Malo aua le faatinoga o lenei Tulafono Tau Faaofi taua aua le faasoasoaina o a tatou tupe.

Na faamaonia te lafo ma faitaitina le Tulafono Tau Faaofi o Teuteuga o le Tulafono o le Pulega o Tupe a le Malo 2014 i lona faitauga faalua.

22 OKETOPA 2014

Tulafono Tau Faoofi o Teuteuga o le Ofisa Autu o Mataupu
Faaletulafono mo Tagata Lauetele 2014 - faitauga faalua

FOFOGA FETALAI: E tusa ai ma le Tulafono Tumau o le a tuuina atu le Tulafono Tau Faoofi i le Komiti o Type Maua ma Type Totogi mo le iloiloina ma toe lipoti mai i le Fono Aoso i se isi fonotaga o lumanai.

**TULAFONO TAU FAAOFI O LE OFISA AUTU O MATAUPU
FAALETULAFONO MO TAGATA LAUTELE 2014 – faitauga faalua**

FOFOGA FETALAI: Mo le silafia e le Palemene, o le Tulafono Tau Faoofi lenei sa faia lona faitauga muamua i le Aso Fono 19/8/2014. O lea ou te valaau atu ai i lau Afioega i le Minista mo Faamasinoga ma Pulega Tau Faamasinoga e tulai mai.

Afoga Hon FIAME NAOMI MATAAFA (Minista mo Faamasinoga ma Pulega Tau Faamasinoga): Lau Afioega i le Fofoga Fetalai ma le mamalu o le Fono Faitulafono, ou te tulai atu i lenei taeco fou e faatu se lafo, *Ina ia faituina le Tulafono Tau Faoofi o le Ofisa Autu o Mataupu Faaletulafono mo Tagata Lauetele 2014 i lona faitauga faalua ma ou te faia tautala faamalalama i ai.*

Faalaina e le Sui Palemia, Minista mo Galuega Tau Alamanuia ma Aitinae a le Malo ma le Minista mo Tyna ma Tamaitai, Aitinae o Nuu ma Afioaga ma Agafesootai.

FOFOGA FETALAI: Tulai mai lau Afioega i le Tamaitai Minista.

Afoga Hon FIAME NAOMI MATAAFA: Lau Afioega i le Fofoga Fetalai, o lenei Tulafono Tau Faoofi ua saunia ina ia faavaeina ai se Ofisa Autu o Mataupu Faaletulafono mo Tagata Lauetele.

Ma o le agaga o lenei Tulafono Tau Faoofi ina ia fesosocani e tuuina atu le galuega faa-loia mo tagata e le o gafatia le faatupena o le totogeti o loia. Ma e pel lava o le tulaga masani i le faavaeina o se Ofisa Autu o lo o atata i le Tulafono iutino esese e ao ona tapena i ai, o se e faatuuulu i ai lenei Ofisa ma le aufaigaluega ma se Pulega foi e vaia i le tulaga aoso pe faaonutonu.

O le Pulega mo lenei Ofisa Autu o se Pulega e tolu ni ona sui, e i ai le Ofisa Sili o le Matagaluega o Faamasinoga, o le sui o le Minista mo Faamasinoga ma le Peresetene o le Sosaiete a Loia o Samoa po o sona sui. Lau Afioega i le Fofoga Fetalai ma le mamalu o le Fono, o lenei auanaga fou o i ai le faanoemoe e faatulai mai ina ia sititia ai pea le auanaga o lo o tuuina atu i le atunuu i le manaoga i mataupu faaletulafono po o le access to justice. O se faiga foi lea o lo o faafino i atunuu i fafo, ma o lea ituaiga galuega e faipauga ai le faigamalo ma le Sosaiete a Loia. Atomu e taua lau Afioega i le Tulafono Tau Faoofi lea mo Loia, sa saunua foi i ai le Maota i le amataga o le tatou Fono ananafi, e fesosocani foi lena Tulafono e poupu ai le Sosaiete, aemaise lava i le tapenapena mo lona galue faapaga ma le Malo.

Tulafono Tau Faaofi o Teuteuga o le Ofisa Autu o Mataupu Faaletulafono mo Tagata Lautele 2014 - faitauga faalua

O lenei fuafuaga mo le Ofisa Autu o se fuafuaga faataatia a le Vaega lea o le Lala o Tulafono ma le Amiotonu po o le Law and Justice Sector, i le tali atu lava lea i manaoga o le tatou atunuu i auanaga faaletulafono ma fesoasoani mo le oo atu o le mamalu o le atunuu i luma o le Faamasinoga. Ma e malie foi i le faalogologo i lenei taeao le saunoaga a le Palemia i fuafuaga, e faapena ai foi lenei fuafuaga faataatia ua leva ona fuafua mai ma o lea ua faagasolo ae taua tele lau Afioga i le Fofoga Fetalai le tapena o le Tulafono Tau Faaofi ina ia oo atu ai i le taimi e mafai ai ona faatino i ona vaega eseese a ua taoto le Tulafono Tau Faaofi e fai lea ma taitala i le faatinoga o lea auanaga.

E pei foi ona silafia e le mamalu o le Fono, o le tele o a tatou fuafuaga ma polokalame o lo o faataatia i lalo o lala eseese o lo o galuea'ina i totonu o le Malo po o tatou sectors. O le tele o vaega o na atinae o lo o faatupe mai fesoasoani mai a tatou paaga i fafo, e vaavaalua ma a tatou tupe maua mai lea taimi i lea taimi.

Lau Afioga i le Fofoga Fetalai, o se faamatalaga puupuu lea mo lenei Tulafono Tau Faaofi. Ma le faaloalo.

FOFOGA FETALAI: Malo faafetai saunoo faamalalalama. Ia, o lo o i ai sui usufono o lo o fia saunoo i le taua o lenei Tulafono Tau Faaofi. Tulai mai le sui usufono mo Faasalaleaga Nu.2.

Susuga PAPALII LIO FAAVAIWAJOMANU TAEU MASIPAU (Faasalaleaga Nu.2): Faafetai i lau Afioga i le Fofoga Fetalai, mo le avanoa. Faafetai foi i le Afioga i le Tamaitai Minisita mo le faamalalalama o lenei Tulafono Tau Faaofi pei ona faafofoga foi i ai le Maota i le mafuaga o lenei Tulafono Tau Faaofi, ona o se Ofisa fou e faatu aua le fesoasoani i le mamalu o le atunuu. Malo faafetai i lau Afioga i le Minisita faapea foi le Pulega. Atonu o lea foi ua maua le agaga tonu o lenei Tulafono Tau Faaofi, o lea foi ua faafofoga le Maota ma matou faalogologo, atonu o lenei foi avanoa e avatu ai foi se matou sao i lenei Tulafono Tau Faaofi e pei foi ona moomia ai le autu ma le faavae ma le aoga eseese o lenei Tulafono Tau Faaofi aua le faatinoina i le atunuu.

O le vaavaai atu i lenei Tulafono Tau Faaofi, e pei o le aua atu lea ua saunoo i ai lau Afioga i le Tamaitai Minisita, e pei o le fesoasoani mo le atunuu, aemaise lava e ua le gafatia le vaai o loia aua le faatinoina o Tulafono. Ae i le taimi foi na tatou talanoa ai i le tatou semina ma sa tatou faalogologo ai foi, e i ai foi le isi mafuaga ua mafua ai ona faatu lenei Tulafono Tau Faaofi, ona o aiata'au, e pei foi ona maua mai i le saunoaga a lau Afioga ma e ua molia. E pei o le tasi lena fesoasoani tele o le Tulafono Tau Faaofi i o tatou tagata. O lea foi ua maua se fautuaga mai le tatou Faalapotopotoga foi lea o le Law and Justice Sector mo le manuia, aemaise lava le agai i luma o o tatou tagata ma le feagai ai ma Tulafono.

**Tulafono Tau Faaofī o Teutunga o le Ofisa Autu o Mataupu
Faaletulafono mo Tagata Lautele 2014 - faitaunga faahua**

Malo faafetai, faafetai foi i lea Faalapotopotoga mo le latou fesoasoani, ua tele lo latou sao i le aliceiina o le Law and Justice Sector i le tele o Matagaluega lea e i totonu o lea matafa, ua tele lava alicei fou lea ua tulai mai ona o fauhaga. Ae le mafai foi ona tuua a matou fauhaga, e ao ona avatu i mafuaaga ma aoga o lenei Tulafono Tau Faaofī ua tulai mai.

O le fesili lava e tulai mai i lou mafua'au, pe tatou te le o faia i le taimi lenei lenei fesoasoani ma lenei foi avanoa mo le mamalu o le atunuu. Ou te talitonu lava, se i ou agai muamua lava i mea nei o aiatafa, masalo o lo o silafia foi e le Ofisa o le Lota Sili faapea foi le Matagaluega o Leoleo, tasi lea matafa'aoi ua mautua malamalama i ai le Matagaluega o Leoleo i le taimi lenei, o mea ia o aiatafa. Ua uma foi ona talia i luma o le Faamasinoga le caution card lena, o le caution card lena o la e i ai i totonu aiatafa nei, ua tuua foi o se meatotino a so o se leoleo. O lea e afio mai le Afioaga i le Minisita ma le Matagaluega. O le taimi lenei, so o se leoleo lava o faigaluega ma faatino ona tute, o lo o i ai lava le caution card i lana taga, o le taimi lava e faafeagai ai ma e ua manamania mea ia o aiatafa, o le taimi lea e faatino ai loa e leoleo. Ma o le taimi lenei, pei o se mea fiafia foi a le Matagaluega ia ma i latou foi e masani ona oo i ia tulaga ua malamalama lelei, aua o le taimi lava e faafeagai ai, e tutu loa i ai e le leoleo ia le caution card lea, o i ina tonu lava o lea e faamalamalama uma ai aia tatou nei. O le uiga o lau faamatalaga ua tele lava le aoga pe afai o le isi lea faavae o le Tulafono Tau Faaofī lenei, ae ne i meane faapea ai tatou te le o faia, e leai o lea lava tatou te faia i le taimi lenei ua tele foi le fesoasoani i le fesootaiga a le Matagaluega o Leoleo ia ma ofisa o loa taitasi i mea lava ia i mea lava nei tau faatino o aia tatou a e o lo o aafia i mea nei o solihigatulafono. E pei o le agaga lena ma le manatu o lou sui usufono, pe o faatino pe leai, a o le taimi nei, o lea lava tatou te faatino ia i le taimi lenei ma o lo o silafia foi e le Lota Sili ma le Ofisa o le Lota Sili ma le Matagaluega o Leoleo o lo o manino faatino ia tulaga uma i le taimi lenei pe a faapea, e tasi lena vaega o le Tulafono Tau Faaofī lenei.

O le isi itu lau Afioaga i le Fofoga Fetala, aua e talitonu lava o le tasi lea anavatau foi o tatou o le lagolago o le Private Sector. Ou te talitonu foi o le tasi lea fesoasoani o ofisa loa foi o le private sector, e fesoasoani foi i le atunuu. Ia manatua foi o totonu lava o le Tulafono Tau Faaofī, o lea foi e i ai fees e charge i le mamalu o le atunuu. O lona uiga, e tai leai lava se esesega tele pe a faapea o le tulaga lena, aua o lea foi e tatala mai ia fees e charge i le mamalu o le atunuu, a o tulaga faapena, o lea e i ai foi ia ia foi pisinisi e fesoasoani foi ma lagolago i le atunuu, aemaise foi leaga o lea e tofogi foi a latou lafoga e oo lava i a latou VAGST, e oo foi i latou laisene, e tofogi uma lava. O le tasi lea sao o ia foi pisinisi private sector i le Malo ma le atunuu. Pei o le tasi lena agaga o lou nei foi sui usufono, leai e faailoa atu pea le tulaga o lo o i ai, ina ne i faapea ane, ua tatou silasila i se isi itu ae tutu le isi itu, a o itu na, leai ona o le tasi lea matafa'aoi foi a lo tatou Malo ma tatou foi o Taitai, ia fesoasoani foi i private sector latou ia i le agai i luma aua le fauhaina o le atunuu, aemaise foi o le fesoasoani mai i le Malo i a tatou tupe maua.

**Tulafono Tau Faaofi o Teuteuga o le Ofisa Autu o Mataupu
Faaletulafono mo Tagata Lautele 2014 - faitauga faalua**

O le isi itu lau Afioaga i le Fofoga Fetalai, o lo o i ai le Komiti lea pei ona saunoo le Afioaga i le Tamaitai Minisita o le pulega aoao, ia tasi foi lea Komiti ou te iloa e gafatia na o le Pule Sili, a o lea foi o le a i ai ma se sui o le Minisita, e i ai foi ma le isi vaega lea, e talitonu foi e alu ai foi a tatou seleni, o a tatou tupe faaalua lava lea e vaavaai i ai. Ae e vaavaai i le taua ma le aoga o ia foi Komiti, a o le vaavaai i ai, afai lava o le a se tulaga pe a faapea e taunuu, ia ou te iloa e lava tele lava i le Pule Sili i lana ia silasila aua le faatonuonua o lenei foi Matagaluega fou pe a taunuu.

O le isi mea lau Afioaga i le Fofoga Fetalai, o lea ou te vaavaai atu i lea Faaululuga o lenei ofisa autu pe afai ae taunuu o lona tau o le Tagata Faufautua a le Malo, ne i te i ua afaina ai tiute o le Loia Sili leaga o totonu o le Faavae lea e i ai tiute o le Loia Sili, na o le Loia Sili lava e fautuaina le Malo. Ne i te i foi ua fai atu lea Faaululuga toalua ma le Loia Sili e faufautua faatasi i le Malo, leaga o lea e sau i i, o le Faaululuga lena o lea foi ofisa fou o le a faatino, ona o lona tau lea e tau mai ai i i, o ia o le Faurautua a le Malo, ae ina ne i te i ua tauao ma le Loia Sili le fautuaina o le Malo ona o le Tulafono Tau Faaofi fou lea ma lona Faaululuga. Ma le faaalalo lava i lau Afioaga i le Fofoga Fetalai, faafetai.

FOFOGA FETALAI: Malo faafetai saunoo. O le a avatu le avanoa i le sui usufono mo Faleata Sasae, ou te masalo pau ia o sui usufono e fia saunoo. Oi ia, faailoa mai leaga o lea e alu lo tatou taimi.

Tulai mai le sui usufono mo Faleata Sasae.

Tofa AVEAU TUALA LEPALE NIKO PALAMO (Faleata Sasae): Faafetai i lau Afioaga i le Fofoga Fetalai, e muamua ona momoli lau faafetai i le Afioaga i le Minisita mo lenei Tulafono.

O lenei Tulafono Tau Faaofi ou te faaigoaina o se Tulafono Fesoasoani, o le Tulafono lenei o Tulafono e fia faafofoga i ai le atunuu, aua foi o le tele o lenei Tulafono e oo foi i galuega uma o lo o faatino, o le fesoasoani, assistant. O lea la ou te momoli ai le faafetai tele o lea ua i ai foi lenei Tulafono Tau Faaofi e fesoasoani, e ui lava e fesoasoani i tagata ua soli le tulafono, a o lea ua i ai le avanoa e mafai ai ona fai le mea moni e mafai ai ona maua se avanoa o le tagata e le lava le faasoa e mafai ai ona finau i totonu o le Faamasinoga.

E i ai la vaega o le Tulafono Tau Faaofi e le oo i ai le fesoasoani lea, lea e sau i i i le vaega 6 o le Tulafono Tau Faaofi. Ia e i ai foi vaega ia pei o le faaitaitaiga; o le vaega lea o le vaega tama, o vaega ia o Fanua ma Suafa, o vaega nei o Fanua ma Suafa, tasi lea vaega e tele ina alu ai ia le taimi o le atunuu aemaise lava i le Faamasinoga o vaega nei, ae o lea la e le o lavea ai i i aemaise lava i apili o iuga o faamasinoga le vaega lena. Pe le mafai ona tagai ane ia lau Afioaga i le Minisita ma le Matagaluega i se isi vaega e mafai ai ona fesoasoani i vaega lea ua oo loa ina tatau ona manaomia ni lota e finaiuina ia vaega nei e tau o Fanua ma Suafa.

**Tulafono Tau Faaofi o Teuteuga o le Ofisa Autu o Mataupu
Faletulafono mo Tagata Lautele 2014 - faitauga faalua**

O le isi vaega lau Afioega i le Minisitā, o lea foi e sau i i le vaega lea, e le aafia ai le fesosoani lea e ave i le Ministry le fesosoani lea e tau o le Ministry Aid, lea e sau i le vaega 6 lea o le Tulafono Tau Faaofi. Ou te fīa fesili, o le a le fesosoani lea a le Ministry Aid? Afai loa o lea ua i ai le Tulafono Tau Faaofi lea e mafai ai ona faaoga vaegathupe ia e fesosoani ai i tagata faapea, o le a la le mea e le tau ai loa le fesosoani lea a le Ministry, ae aumai loa le vaega lena i lalo o le Tulafono lenei e faatino ai le vaega lea, ina ia... aua o lea o le a lua ai foi vaega faapenei, ia ona maua ai lea o le feeseseseai i totonu o le Matagaluega? Aua o le Matagaluega lava lea a le Ministry, lea latou te faatinoina le Tulafono lenei, a o lea foi e sau i lalo o le Tulafono, e le aafia ai le Ministry Aid. O lea ia na ou fesili ai i lau Afioega i le Minisitā ou te fautuaa foi, o le a la le mea e le tau ifo ai loa le Ministry Aid i lalo o le vaega lea, ina ia aua ai ne i tele ni tupe e alu, aua e tasi lava lo latou faamoemoe o le fesosoani i tagata e le lava le faasoā.

Ia ma le isi au fautuaga multimuli i lau Afioega i le Minisitā, o lea foi e i ai le vaega i i e tuu atu ai se tologi i le tagata o lo o manaomia le fesosoani lenei, ae o lea foi e sau i le isi itu, e mafai ona ave fua le vaega. Se i tagai ane po o a ituaiga vaega e ave i ai le tologi e tologi mai ai pe a manaomia le fesosoani lea, a o a foi vaega e maua fua mai ai le fesosoani?

O nai manatu ia lau Afioega i le Fotofoga Fetalaī aua le faatofogaaga foi a le Afioega i le Minisitā. Ma le faaalcalo lava.

FOFOGA FETALAI: Malo faafetai. Ia se tasi o sui usufono mo Salega, Afioega Afualo Wood Uti Salele, ona sosoo ai lea ma le sui usufono mo Faleata Sisifo.

AFIOGA AFUALO WOOD UTI SALELE (Salega): Faafetai i lau Afioega i le Fotofoga Fetalaī mo le avanoa.

E momoli atu foi le faafetai i le Afioega i le Minisitā mo Faamasinoga ma Pulega tau Faamasinoga ona o le taua o lenei Tulafono Tau Faaofi, atonu o lea ua faatofoga le atunuu aemaise foi o le Maota nei, o le agaga atoa lava ia o le Tulafono Tau Faaofi, ina ia tapena se fesosoani mo e ua soli le tulafono ia pe soli i le agaga sa fuafua po o ua soli ona ua pavaileā ae le gafatia e le tamoaiga ona tali atu i ruga o le Faamasinoga, ia o lea ia ua tapena ai le fesosoani. Ua leva lava ona ou nofo ma ou tiloililo i ai i le Tulafono Tau Faaofi, e i ai ia vaega lau Afioega i le Minisitā ou te fīa fesosoani atu ai i lau Afioega.

Muamua; e tatau lava ona tausisia ia le feagaiga lea ua uma ona faataoto e le Malo le faiga paaaga lea ma Faalapotopotoga ma Pisiniisi Tumaoti, e taua tele ia te au le feagaiga lea, ona o i e faasoā atu ai e le Malo le tele o isi auanaga lea e faatino i lalo o Matagaluega ma tohino tumaoti a le Malo, ina ia faatino e Faalapotopotoga ma Pisiniisi Tumaoti. I le vaavaai ia i ai, o lea ua vaai ua soli e le Tulafono lea le feagaiga lea, ona o lea e foliga mai e faaauala mai le Tulafono o se fesosoani, a o le fesili, pe ausia le mea silisili lea i totonu mo le fesosoani ona mo i latou e le gafatia?

**Tulafono Tau Faaofi o Teuteuga o le Ofisa Autu o Mataupu
Faaletulafono mo Tagata Lautele 2014 - faitauga faalua**

O le upu moni lava, o lea e i ai le vaegatupe lea i totonu e mafai ona faaauaia mai lalo o le Tala Faatautu o le Tupe, ona to mai lea o le fesoasoani lea i se isi auuala e faamatu i tua o lea e i ai ia alii ma tamaitai loia ia po o nisi foi o le mamalu o tamalii ma failauga a le atunuu, o lea e nafa ma le fesoasoani lea, nai lo le toe tapena o se isi tofino, aua o le upu moni lava, e pei e faaagaga mai o le fesoasoani ae e maua ai tupe e saili ai tupe. O lona uiga a alu ai alu ai, ia ona siisii lava lea i luga o tupe foi ia e ao mai i lafoga aemaise lava vaega ia e tatau ona totogi e i latou, ia ona aveia lea o se tasi o vaega o le Matagaluega e sue ai ana tupe. Ae le o le agaga lena e tatau ona i ai, aua o le agai lava i luga. Ae e pei e sili ona toe silasila lau Afioiga i le Minisitā, aua o le upu moni lava, i lau lava vaavaai i ai, a faapea o lea ua taumafai e tali le manaoga o le tagata ua vaivai i lona tamaoaga, pe le ono pisia ai la le faatinoina o le auauunaga lea e i latou ia o le a faatinoina e ala i lalo o le Matagaluega, o lona uiga, ia mautinoa ua maua le mea silisili aua e moni lava e taugata ia tamaitai ma alii loia ia latou te faatinoina, ae ou te talitonu e galue i le mea e gata ai lo latou malosi e finauaiina ai ina ia ola le tagata lea ua sala, ae e mafai ona fesoasoani ai ia le Matagaluega, aua afai nei ae faamatu mai i lalo o lona totino lea o le a tapena, ia o tatou o tagata ola e le tatou o ni agelu. Atonu o lea e i ai le Faalapotopotoga a Lina Chang e mafai ona fesoasoani mai i ai ina ia mautinoa ua faatino ma tali mai ia le auauunaga lea o le a tapena i lalo i i le mea lea tatou te mananao i ai, ae le maua ai le ute atoa o le galuega.

E pei o le agaga lava ia e pei ona ou fai atu, ona ou te lagolagoina tele le mau a le Malo i le fesootaiga lea e tuu i tua i le pulega aemaise lava ia i latou o pisinisi tumaoti, o lea foi faatua uma ona tatou talanoa i le pili a loia, e tele tele le aoga o le Tulafono Tau Faaofi lea ina ia limataitaiina ai foi i latou se i se silasila i i e tali ia i le manaoga lea o tagata vaivai i le tulaga lea. A o le agaga atoa lava ia, ina ia tapena, e le i faigofie le tapenaga o le Tulafono Tau Faaofi. Ae pei o le tuuialo lena e toe seu silasila i ai, ina ia mautinoa telei, aua ne i pipisia le auauunaga lea ae uma ifo ai, ona tigaina lava lea ma mafatia le tagata vaivai, ae le maua le faamanuiaga tonu lea e manao ai tatou. Faafetai i lau Afioiga.

FOFOGA FETALAI: Malo faafetai saunoa. Se i tuu atu le avanoa i le Afioiga i le Palemia, tulai mai.

Susuga Hon Tullaepa Fatialofa Lupesolilai Alono Neioti Sailele Malilegaoti: Lau Afioiga i le Fofoga Fetalai, sa pispisao ananafi le Maota nei i le taugata o pili a loia ma se faiga e fai ai.

O le isi lea faiga maoae ua fai e le tatou Malo pei ona tulai atu ai le Minisitā Tamaitai o lo o fitoitonu i ai le Tulafono Tau Faaofi Fesoasoani a lo tatou Malo i le faatuina lea o le Ofisa Autu lea e mafai ai ona avatu le auauunaga lenei mo latou e le gafatia ona totogi ia ni Loia, o le faigofie ia o le mataupu.

22 OKETOPA 2014

**Tulafono Tau Faaofi o Teuteuga o le Ofisa Autu o Mataupu
Faatulafono mo Tagata Lautele 2014 - faitauga faalua**

Ona pau lava le mea lea ia manino, a oo loa ia i se Faamasiinoga e aafia ai le Malo o se sue fiasaga i le Malo, o lea e aveese ai e le mafai ona ave i ai le fesosoani lea, aua e le mafai ona fesosoani le Malo e toe sue le Malo. E le mafai la po o ai lava le Matagaluega po o le Faalapotopotoga, a o le tele lava o mea nei o le va o le tagata i le tagata, po o le va i le tulaga o le solitulafono, o lea la ua avatu ai sina fesosoani lea a lo tatou Malo e faapitua lava mo latou o lea e tagi mai e le gafatia se tau o se loia, o lea sa tatou talanoa ai i le aso ananafi, ne i te i ua misi atoa le mea lena ona o lea ua tatou talanoa i ituaiga gagana foi tele e faigofie ona le malamalama ai le taua tele o le Tulafono Tau Faaofi lenei ma le itutino lea ua ofo atu e le Malo e fesosoani atu ai ia i latou, e le mafai ona totogi se loia.

FOFOGA FETALAI: Ia tulai mai le sui usufono mo Faleata Sisifo.

Tofa LEALAIPELLE RIMONI AIAFI (Faleata Sisifo): Faafetai lava i lau Afioaga i le Fotoga Fetalai mo le avanoa, faafetai foi i lau Afioaga i le Tamaitai Minisita mo lenei Tulafono Tau Faaofi.

A matau i ai lenei sui usufono, o le tasi lenei Matagaluega po o le Sector ua tele suiiga mai le tausaga na mavae, ua tele foi lala fou ua faatutina ina ia fesosoani i le faatinoina o galuega aemaise o soligatulafono ma vaega faapea, ae e le gata foi i lea, ua tele Tulafono ua tuuina mai e le Matagaluega ma le Afioaga i le Minisita. Na faatoa uma atu nei foi le Mediator lea na tatou pasia, o le Tulafono o Family Court, o le Tulafono e puipuiia ai aiga ma le lotofale. Ua faatutina foi le Law and Justice Sector. Ua i ai le Law Commission. Ua uma foi ona pasia le faatumaotitina o le Falepuipui ma le Matagaluega a Leoleo. O vaega ia o lea e faasolo mai. O tulaga lelei ma e tuusao atu foi i ai le lagolago a lenei sui usufono. A o le Tulafono Tau Faaofi ua tuuina mai nei, e fai lava sina augata o lou nei tagata e lagolago ona o nisi o mafuaaga.

Muamua, na faapea mai le Tulafono mai i le amataga, o lenei vaega o le a faatutina ae uluai faatupaina mai i se fesosoani a Ausetalia po o le AUSAID funding. Po o le uiga o lea vaega o se lala sa faututaina mai i lalo o se faatutaga mai le AUSAID a Ausetalia, po o se lala ua finagalo lava e faatu ae aumai se vaegatupe e ese mai e faatupe ai? Aua o lau matau, e fiafia tele Ausetalia i le mea lea, e omai faaso lea mea, faaso lea mea, ae uma ane le tui i le tolu tausaga ua leai se tupe, ona toe fai mai lea e faaanau e le Malo. A o i ai la se faamaoniga o i ai se commitment mai le Malo o Ausetalia e faatupe le mea lea aua e le taugofie ma e le faigofie?

O lea ua tatou iloa uma lava le aano, o le fia fesosoani i tagata solitulafono ae ua le lava le tupe. O lea e i ai i totonu o le Matagaluega le mea foi lea e tau o le Legal Aid e fesosoani ai ia i latou ia e le gafatia loia aemaise lava ia i latou e solitulafono marama. E \$200,000 ua matuina e ave i ai e le Malo i tausaga uma i le paketi, a o lea foi la ua toe talosaga mai e faatu lea lala fou. O le fesili la, o le a tonu lava le mea e moomia ai se lala fou?

Tulafono Tau Faaofi o Teuteuga o le Ofisa Autu o Mataupu Faaletulafono mo Tagata Lautele 2014 - faitauga faalua

Ua i ai se fautuaga mai le Loia Sili, se fautuaga mai le Ofisa o Tupe ma se fautuaga mai le Matagaluega e Pulea Tagata Faigaluega a le Malo? O lea faatua uma atu nei le tatou Tulafono lea na saunoo i ai le Afioa i le Palemia, o co-ordination foi ia faatasi ai faapea aua e le tumaoti se mea. Aua e le faamoemoe le isi Matagaluega i le isi Matagaluega. Ona faatu lea o le Matagaluega ae toe i ai ma le Komiti e oversight ina.

A ou faitau i lalo i tagata faigaluega ia e moomia, e le i lalo o le 10 tagata faigaluega ae ova atu i lenei Matagaluega fou. A o lau matau lau Afioa i le Fofoga Fetalai, e i ai isi lala fou ia na faatu e pei o le Law Commission, o le Justice Sector ma vaega ia, o la foi e tau sailiili i loia ia e lava le experience ma lava le tomai e faatino ai galuega nei. Ua tele a tatou loia, ae e le tele ni loia e i ai ni potu faapitoa ma lava le tomai e faatino ai manaoga nei. O lea la ua fai mai a filifili le Pule po o le Faufautua i le Malo ia le i lalo ifo o le 7 tausaga o galue faalolai. A o lea na tatou talanoaina nei le Tulafono ananafi e 8 tausaga, seiloga e 8 tausaga, seiloga e lava le tomai ona faatua ave lea i ai o le avanoa.

O le mea lea e tupu e pei e i ai ni vaega e le o consistent i le tusiga ma le manaoga o mea nei ma tulaga faapena. O lea foi e tuu mai le tamaititi i le Tulafono Tau Faaofi, o tagata e oo atu i le 18 tausaga. O fea Tulafono e faatulaga ai le tamaititi i le 18 tausaga, a o fea le Tulafono e faatulaga ai le tamaititi i lalo i isi tulaga e ese mai ai? O lou talitonuga e le o se tamaititi le tagata ua 18 tausaga, o lena e silafia i le tele o le mau Tulafono e lau mai, e le o se tamaititi.

O lea foi e fuafua mai le mea foi lea o le drug and alcohol po o fualaau faasaina ma ava malosii, o se faamasinoga mo ia vaega. Atonu e augofie lou manatu i ituaiga mea ia ona o lea tatou te iloa uma, po o le 90% o soligatulafono e fesootai i vaega na, a o le a se finagalo i ai o le Ofisa o le Loia Sili ma le Matagaluega? Ana fai foi la e faapea o se vaega o le Matagaluega e amata ai, e lelei. Po o se vaega i totonu o le Ofisa o le Loia Sili e pei o mea la e fai i isi atunuu e tau o le Public Defence Office, e i ai ma le Public Prosecution Office. E manaia se mea faapena e amata ai, a o lenei mea o le toe fai o le Matagaluega fou, fai ma le Komiti e vaai, o lou talitonuga lau Afioa i le Tamaitai Minisita, e le talafeagai mo lenei taimi. Afai o lena e lelei le faatinoina o le Legal Aid pe moomia e toe faapooopo sina vaegatupe e cover ai ma isi soligatulafono nei, atonu ua lelei. Aua o lona uiga a faatu le vaega fou lea, e \$2miliona i le \$3miliona e faafae ai lenei ofisa i le tausaga. O le a la le mea e le aumai ai se vaegatupe o na mea e faapooopo i le Legal Aid e cover ai ma faatupe ai le vaega lea e finagalo i ai le Matagaluega, ae aua le toe faatua se Matagaluega fou? E le o se vaega lena e ao ona vaavaai muamua i ai lau Afioa i le Minisita ma le Matagaluega e faatino i lenei taimi a o le i faia lea Matagaluega fou po o se lala fou? E le talafeagai mo lenei taimi.

O lea foi e pei ona saunoo, o lena ua sau ai ma tau e faaee atu. E leai e le tatou ona i ai ni tau pe afai o le tulaga faapea.

22 OKETOPA 2014

**Tulafono Tau Faaofi o Teuteuga o le Ofisa Autu o Mataupu
Faletulafono mo Tagata Lautele 2014 - faifauga faailua**

O lau lena fauhaga lau Afioaga i le Fofoga Fetala'i, toe tagai lau Afioaga i le Ministia ma le Matagaluega pe e le toe faapoopo se tupe e ave i le Legal Aid e faaanu ai fesosoani i tagata lautele pe afai ua finagalo i ai, ae taatia lea Matagaluega e le talafeagai ma lenei taimi.
Ma le faaalualo lava.

FOFOGA FETALAI: Le sui usufono mo Aana Alofi Nu.3, a e fia saunua ona e tulai mai lea ae faaitu mai e le sui usufono mo Gagaemauga Nu.2.

Afioaga TOEOLIESULUSULU CEDRIC POSE SALESA SCHUSTER: Faafetai lava i lau Afioaga i le Fofoga Fetala'i mo le avanoa. O le tele lava o nisi o manatu sa fia faaitia ua avatu e le tele o sui usufono, ae ua na o sina faapoopoga lau Afioaga i le Fofoga Fetala'i.

E taua le Tulafono Tau Faaofi ua tuuina mai aemaise o le auunaga o lo o i ai, a o le lagona foi lea lau Afioaga i le Ministia ona e ao ona toe seu silasila le Matagaluega ina ia faaavanoa le tele o seleni ma ia faatele le seleni e ave i le Legal Aid i le taimi lenei, ou te talifonu e mafai ona faapafala atu nei seleni e fesosoani ai i nisi o vaega. O nisi foi o vaega o lo o sau i le Tulafono lau Afioaga i le Fofoga Fetala'i, e ao lea i le public awareness aua ou te talifonu o le taua lea aua o le Justice Sector o i latou ia e faalauteleina polokalame faale Tulafono. Faafetai i lau Afioaga i le Fofoga Fetala'i.

FOFOGA FETALAI: Malo faafetai. Levao tulai mai lau Afioaga i le sui usufono mamalu.

Tofa LEVAOPOLO TALATONU (Gagaemauga Nu.2): Faafetai tele lava i lau Afioaga i le Fofoga Fetala'i mo le avanoa. Ua manatia foi a tatou felafolafolaiga i lenei faeao. E puupuu lava se manatu e fia faaitia i lenei Tulafono Tau Faaofi lau Afioaga i le Fofoga Fetala'i. E le festiligia le lagolagoina e lou sui usufono o le auga po o le faamoemoe o le Tulafono Tau Faaofi i le fesosoani lea mo o tatou tagata lautele.

Lau Afioaga i le Fofoga Fetala'i, ou te nofonofo ma tau fetuunai lou mafautau ma le fesosoani lea e faatino e le Komesina o Suluifaiga. A ou tilotilo i le mea fou lea o le a fai nei, o le a latou faia suesuega i mataupu e faasaga i le Malo, o Matagaluega ma Faalapotopotoga a le Malo. I lau la tilotilo i tiute ia, toetiiti lava aiga ma tiute tauave o le Ofisa o le Komesina o Suluifaiga. Ona pau lava se eseesega ona o lea o le a mafai nei e le Faalapotopotoga fou lenei ona fai ni moliaga ma ni tulaga faapena, ma ou te lagolagoina ai le finagalo o le sui usufono mo Faleata Sisifo, pe aisea le mea e le annata mai ai faapea aua na ona faatele lava o le Ofisa lea o le Komesina o Suluifaiga e annata mai ai i ina, ona sete lea o nisi o vaega o seleni ia o le a faatu ai le Faalapotopotoga tele lea.

O le isi itu, o le Matagaluega lena o le mea tonu lava lena e tau o le fesosoani i le amnuu, ona e leai se fee e totogia.

**Tulafono Tau Faaofi o Teuteuga o le Ofisa Autu o Mataupu
Faaletulafono mo Tagata Lautele 2014 - faitauga faalua**

Na ona e savalivali atu lava talosaga mo se fesoasoani i lau mataupu, ona fai fua lava lea ma o le mea tonu lava lena e tau o le fesoasoani.

Ma le agaga faaloalo, faafetai.

FOFOGA FETALAI: Faaiu maia e lau Tofa Lefau.

Tofa LEFAU HARRY SCHUSTER (Vaimauga Sisifo): Faafetai lava i lau Afioa i le Fofoga Fetalai mo le avanoa. E muamua lava ona momoli atu le faamalo ma le faafetai i le Afioa i le Minisita ona o le Tulafono Tau Faaofi lea, ae faapea foi le Matagaluega o Faamasinoga ma Pulega tau Faamasinoga aemaise o le Loia Sili faapea le Malo.

Ia te au lava ia o le loia, ua ou matua fiafia lava ma ou mimita i le Tulafono Tau Faaofi lea. Aua o lou talitonuga faaloia pe a e vaai i se Tulafono, e te vaai i le atunuu i le agai i luma. O lau vaai i ai e fua pe faapefea se vaavaaiga a se atunuu i ona tagata o ia e falepuipui po o i latou o lo o faasalala e ui lava ua latou soli le Tulafono. A faapea e te vaai atu e lelei le faiga o ou tagata pagota, ona e iloa lea o se Malo e alofa le Malo lena.

O lona lua i lau vaai i ai, pe faapefea le taumafai o le Malo ia amanaia aiatau a ona tagata aemaise lava i latou e le tagolima ma e le lava tupe e faatino ai tulaga ia? O le Tulafono Tau Faaofi la lea e atagia mai ai e faatino ai le itu lea, o le amanaia lea e le Malo o aiatau a o tatou tagata. O lea la e talitonu o le fesoasoani lea mo i latou e le gafatia ma e le tagolima i le totogiina o se loia. O tulaga na ou te lagolagoina ai tele le Tulafono Tau Faaofi ua faataatia mai nei, ae i ai lava nai atugaluga lau Afioa i le Fofoga Fetalai.

O lau vaai i ai e manaia le faatinoina o le faamoemoe ina ia maua le fesoasoani mo e matitiva, ae tele foi le galuega a le Komiti Faafoe lea o le a faafoeina le vaauga o le Tulafono Tau Faaofi lea, aua o lea e tau mai iinei ua faatuuina mai le Minisita ma le Loia Sili. E le mafai e se Tulafono ona faapea e faataatia uma lava mea i totonu o se Tulafono ona e le faapena le olaga lenei. E i ai lava mea e te manao ia i ai i totonu o le Tulafono, ae a tuu i ai i totonu e tele ai foi le vevesi, ae faataatia faalauaitete la.

O le fautuaga muamua aua o le mea lea e tagai i ai le Komiti lea ma le Afioa i le Minisita, ona o lea e aumai i le Tulafono Tau Faaofi lenei, e mafai foi e le vaega lea ona e i ai le totogi o lo o i ai, ia aua ne i tauva le vaega lea ma loia po o private lawyers. Aua o mea uma lava ia e faataatia mai iinei i mea tau Tulafono, e moni lava e i ai le Minisita ma e i ai le oversight committee, a o le tino lava ia lea e aumai iinei o le body corporate, e tutoatasi lava la latou. A finagalo lava la latou e alu lava i o latou mafaufauga ae e le faataataina i le atunuu lautele, e mafai la ona tauva ma Ofisa Loia ae e le o le mea lena o lea e faamoemoe i ai le Tulafono Tau Faaofi. O le tasi la lea atugaluga e tatau ona tagai i ai.

O le isi tulaga, e manaia le tulaga lea mo i latou e le gafatia i le civil, ae pau la le tulaga ia tagai i ai ona e le o faataatia mai i totonu iinei ae faigata foi.

**Tulafono Tau Faaofi o Teuteuga o le Ofisa Autu o Mataupu
Faaletulafono mo Tagata Lautele 2014 - faitaunga faalua**

Ae ia tagai le Komiti Paafoe lea pe talafeagai mea ia o le va o ulugali'i ua tetea ae le mafai, aua o le tamaitoa ia o le tele o taimi e lava le tupe e totogi ai le loia, ae pei o le tina e faalelava le tupe e fai ai se loia. A ia tagai la i le tulaga lea ia talafeagai le fesosoani i i. Ae tagai la i ai aua o lea e faataga i le Tulafono Tau Faaofi ona fesosoani i le civil. E le o fai mai la po o a mea e faasa. Ae tagai la i ai ia aua nei i ai le mea lea o le taavale o la e lavela ae fai ai le loia i ona e faapea o le le tagolima, po o le alu e fai le aitalafu ae sau i i e fai le loia i i. Pe mativa pe a, ae a iloa alu e fai le aitalafu, e te iloa foi totogi lau aitalafu. Ae le faapea la ua le mafai ona totogi lau aitalafu ae sulu mai la i i e faapea e maua ai lau loia i i e finau i le mea lea o le totogi ma le le tofofiina o lau aitalafu, pei o se fasi lena o atugaluga.

I le itu i le criminal law, o lo o i ai se vaega o lo o taua mai i i e faapea e ave le fesosoani i le tagata mativa, ae a faapea o se isi foi lea ua solitulafono soo ma ave i le falepuipui, e mafai ona tilotilo le Komiti e aua le avea i ai le fesosoani. Lau Afioega i le Minisitā, o le manatu mama lava ia, o le aiatau o le aiatau. A faapea o le tagata la e solitulafono, o le mea la e i totonu o le Faavae, e i ai le aiatau so o se isi lava e tunaia i se moliaga, e i ai lava ona aiatau e taua ona faalinoina. I lau la vaai ai, i si ou manatu vaivai faa-loia, e le taua ona avea mea faapea o lou falepuipui soo ma mea o le a... A faapea lava e te agavaa e maua le fesosoani i lalo i i, ave i ai le fesosoani, ae aua ne i avea faapea o le lape o oe o le a e le alu ai i ona e te falepuipui soo. E le avea le faavalevalea aua a tuu i se isi itu, e i ai le tagata foi lea e falepuipui ona alu lea potu mai o ona sau lea e le maua... E le faapea ua sui le amio, a ua potu e soli le tulafono ia aua ne i maua. Ae i ai foi le tagata o le vale lava ia e maua o le faavalevalea. A o le naunautaiaga lau Afioega, ia maua le avanoa o e molla i le tulafono pe a faapea e talafeagai ma le tulafono.

O le vaivaiaga mulimuli ia lau Afioega lea foi sa saunao i ai le Afioega i le Palemia, saunao foi i ai sui usufono i le Tulafono Tau Faaofi lea ma lona auga ia maua e tagata mativa ma le tagolima le fesosoani faa-loia i le civil po o le criminal. I lau la vaai i ai i le Tulafono Tau Faaofi, ae faamalie atu foi lau Afioega i le Fofoga Fetala'i ona o Tulafono Tumau a le Maota e le taua ona e tilotilo i se upu po o se mea se i vagana se taimi mulimuli. Ae mo le faafaigofieina, i lau vaai i ai, o le upu lea e faaoga i totonu o le Tulafono Tau Faaofi o le entitle, i si ou manatu vaivai i mea tau loia. E esese uma lava manatu o loia, ese lava foi le vaai a Faamasino. A talanoa i le upu lea entitlement i lou malamalama faa-loia, e mafai ona ou finau po o le a le fai mai na o le tagata e le au lona totogi i le \$5,000 i le tausaga e alu i lalo i i, e mafai ona ou finau faa-loia i luma o le Faamasinoga, e sao, e tea ma le \$5,000 i le tausaga le totogi o le tagata lea ou te sau ai. Ae a tatau vaai i le Faavae, o la e fai mai le Faavae e i ai lana aiatau ia i ai sana loia i le Tulafono. Ona ou fai atu lea o lau finauga, ua tea ma le \$5,000 lea tou te fai mai ai, ae manao lau tagata lea, se tamaitai po o se alii i se loia e \$400 i le itula lona tau, ona e i ai lona talilonuga o le ituaiga loia lena o lea e manao ai.

O le upu ou te faaogaia o le eligible. Aua a eligible la, e le oo le finauga i le upu lea o le entitlement. O le entitlement ua tatau finau i mea e tau o rights.

**Tulafono Tau Faaofi o Teuteuga o le Ofisa Autu o Mataupu
Faaletulafono mo Tagata Lautele 2014 - faitauga faalua**

Ae a eligible, ona manino lava lea o le eligible a e le pau i totonu o le mea la e fai mai ai le tulafono e eligible e leai foi ni finauga i le entitlement. O nai manatu ia lau Afioa i le Minisita ma le Malo.

O se manatu mulimuli, o isi foi atugaluga sa talanoa ai ou uso a sui usufono ia, o le manaia ia o le Tulafono Tau Faaofi, ae tatau foi ona agavaa alii ma tamaitai loia o le a o i le Matagaluega lea e faatino le tulaga lea, ona e le gata ina tatou iloa i le olaga lenei, a o mafaufauga foi i tagata lautele, ona e eseese. E tai pei foi o foma'i ma accountants ma isi tulafono, e i ai loia e sili atu isi loia i isi loia, ae ia talafagai le malamalama ma le tomai ma le agavaa o e o le a o e faatino le mea lea, ma isi foi loia sinia o i ai i le private sector. E le o se mea lelei mo le tatou faamoemoe lea, ae maua i le mea foi lea e maua lau loia, le au vaega taugofie foi lea e faale-poto tele i le loia lea e i. I lau vaai i ai ananafi sa tatou talanoaina po o le a le mea e 8 tausaga ai e ala ai ona loia le tagata ona faatoa mafai lea ona alu e fai sana private practice. O le eseese o mea ia e lua, e 8 tausaga faatoa fai lau private practice pe a e manao e solicitor, teaga e fai le trust account. A o le mea lea o le barrister, e mafai lava ona e iu mai le lunivesite nei, taeao e alu e barrister. E le manaomia se 8 tausaga. O le tulaga lena ona o lea o le a o i le Tulafono, e manaomia ia ni alii ma ni tamaitai ua latalata i le taimi lena, po ua oo le tomai i le tulaga o lea ua i ai loia sinia a le Ofisa o le Loia Sili faapea foi loia ia i le private sector.

Lau Afioa i le Fofoga Fetalai, faafetai lava mo le avanoa.

FOFOGA FETALAI: Ia malie lava le sui usufono mo Vaisigano Nu.2, se i avatu muamua le avanoa i le Minisita mo Tina ma Tamaitai, Atinae o Nuu ma Afioaga ma Agafesootai ona avatu ai lea o le avanoa mulimuli mo nisi sui usufono ia e fia tutulai mai.

Tulai mai le Minisita mo Tina ma Tamaitai, Atinae o Nuu ma Afioaga ma Agafesootai.

Tofa Hon Tolofuaivalelei Falemoe Leiatua (Minisita mo Tina ma Tamaitai, Atinae o Nuu ma Afioaga ma Agafesootai): Faafetai i lau Afioa i le Fofoga Fetalai faapea foi le ee o le paia maualuga o le Palemene i le afio o le Palemia ma le Kapeneta, e faapea foi le la Itu. Ua ala ona ou tulai ona sa sau i nisi o saunoaga le galuega faa-Komesina o Sulufaiga, ona o au o le Minisita o lea foi vaega o le auunaga a le tatou Malo. Ou te matua faafetai atu lava i le loia faatoa mavae atu nei, na pau lea o le loia ou te iloa e poto, ma e poto atu i le isi lava vaega tele. Aua o le mea lea e i ai, ua tatala solo lava le mataupu, a o lea e manino le Tulafono Tau Faaofi. Ana faitau lelei i le Tulafono Tau Faaofi i le uiga tonu o le Tulafono Tau Faaofi, ou te iloa e le tele ni lauga faapenei e tetea. A o le galuega faa-Komesina o Sulufaiga, e vavamamao lava ma le galuega a le Komiti lea po o le public advocate foi lea e faaluutu i ai le centre. Se i vaai i ai i le mea o le centre, e le o se Ministry e le o se Corporation, o le centre le mea. E le toatele ni tagata faigaluga e lagalago ai le galuega faa-Faamasinoga.

**Tulafono Tau Faaofi o Teuteuga o le Ofisa Autu o Mataupu
Faletulafono mo Tagata Lautele 2014 - faitrauga faalua**

A o le galuega a le Ombudsman, oka, human rights – a tau loa mea tau human rights o le lalolagi atoa. O mea tau suseuega o leoleo, e le faia e le Komiti lea galuega o le suseueina o faaletonu o leoleo. O le Matagaluega foi lena o le matua tele lava. O tagi a tagata faigaluega a le Malo, o tagi a Faalapotopotoga, o mea uma na. Se i tagai la i ai? A o le mea lea na o nai tagata vaivai o le atunuu e fia maua le fesososani a ua molifa, se ta te ofo se ia te outou? Matua outou matuhia ae matua leaga tele outou mafautau. O le faamatalaga lea.

Tofa Levaopolo Talatonu: Lau Afioaga i le Fofoga Fetala'i, ona o au lea e faasino i ai le saunouga a le sui usufono lea....

FOFOGA FETALAI: Ona ua tatou tannuu i le tatou taimi maloto, tatou talu mai faaanuu le tatou finauga. Ou te faasiliasia atu ua faataatia ese Taulumaga a le Fono Aoa'o mo lana malologa masani o le ta'ea'o.

Na faataatia ese Taulumaga a le Fono Aoa'o mo lana malologa masani i le inula 10:44 i le ta'ea'o ma toe faaanuu i le inula e 11:25 i le ta'ea'o.

Na toe faaanuu fetalofalofaiga i luga o le faitianga faalua o le Tulafono Tau Faaofi o le Ofisa Autu o Mataupu Faletulafono mo Tagata Lautele 2014.

FOFOGA FETALAI: E momoli atu le agaga faafetai i lenei vaega o le tatou aso. Ou te manatu o lea ua maea le tatou taute'ga, e i ai foi le talitonuga ua maua la outou faasiliga malosi, e le gata i le tatou malutaeao a ua maua foi le savili manatia i fafo i le tatou nofoaga nei i le tatou Maota i Tiafau. E faasoa ai foi ma faatalofa atu ai foi i nisi o le aufaasalalau, e i ai nisi o outou ua agai foi i luga o Televisi. Faamalo atu le lavapapale i le tatou Maota. E faia le tatou malologa o lo o i ai nai sui usufono o lo o toto'e. Ae tulai mai le sui usufono mo Vaisigano Nu.2 ona faaitu mai lea e lea Ihu o le Maota. Tulai mai lau Afioaga i le sui usufono mamalu.

Tofa MOTUOPUAA UIFAGASA AISOLI VAAI (Vaisigano Nu.2): Faafetai i lau Afioaga i le Fofoga Fetala'i mo le avanoa e fai ai fol sina leo ana le Tulafono Tau Faaofi ua i le Maota nei.

Lau Afioaga i le Fofoga Fetala'i, e ala ona ou fia tautala i le Tulafono Tau Faaofi lenei, ona o au le isi tagata sa matua lailai i mea nei o loia, ioe. O lau tala sa'o lava. Na oo lava ina ou avea ai le loia i le Law Society, e aumai le pili a le loia, o le tau o le taavale fou. E le o iinei la o Ninu Sila lea ou te talanoa atu ai. Ae tau faapena foi loia iinei. E ui i lea, na ou manumalo, na toe refulund le tele o au tupe. O lea la e i ai le Tulafono Tau Faaofi lea ona tatou mafautau ai lea i le le tagolima o le tatou atunuu pe a mafautau lava i mea nei o loia ma latou fees po o latou pili.

**Tulafono Tau Faaofi o Teuteuga o le Ofisa Autu o Mataupu
Faaletulafono mo Tagata Lautele 2014 - faitauga faalua**

Ou te le iloa po o fea e omai ai ma nei ituaiga figures e fai ai latou pili. Ia vaai foi, o le mea lena e eseese ai ma matou nei fomai. O matou fomai, o se taotoga o se mai o le a oti, ia e na o si au aiaunai lava \$30 i le po, ae toe foi lava i lou soifua lelei. A o le loia, ia, e tasi le po ae aumai le pili e \$10,000. Faaftetai i le Malo, faaftetai i lau Afioa i le Tamaitai Minisita, ua aumai se Tulafono Tau Faaofi faapenei se i fesoasoani atu ai i si o tatou atunuu. Ae pau lava ia le mea, e pei o se mea fou le mea lenei, aua nei model ina pei ona saunoo se tasi o sui usufono mo Faleata Sisifo, pei o le mea foi lea aua ne i model ina i mea faa-Ausetalia, aua na ona aumai fau fau ae fai lava se tatou model faa-third world country. O le tele o tagata tatou, e matua le afford ina lava nei mea o loia. E matua le afford ina le loia. E fai o le tofogi o le loia, uma ane e falepuipui, ua matua atili gau ai lava. Ia o lea la lau Afioa i le Fofoga Fetalai, ou te matua lagolagoina le Tulafono Tau Faaofi lenei, ae pe faapefea ona faaiupe. O le mea lena e pau atu i le Malo, vaai mea o CSOs foi ia, aveifo e matua... o le tele o mea o loia lea ua iu mai nei, e leai ni galuega, aveifo tai sefulu tai sefululima loia e tuu i totonu o nei law centre e fesoasoani ai i le tatou atunuu aua le taugata o pili o nei mea o loia, ma le manaomia o le fesoasoani faaletulafono.

Ia, e pei o se manatu puupuu lea ne i te i ua umi le tatou Fono. Ia manuia le tatou Fono lau Afioa i le Fofoga Fetalai.

FOFOGA FETALAI: Malie lava Tuiatua se i avatu muamua lava le avanoa i le Minisita mo Galuega Tau Alamanuia ma Atinae a le Malo. Tulai mai lau Afioa i le Minisita.

Afioga Hon LAUTAFI FIO SELAFI PURCELL (Minisita mo Galuega Tau Alamanuia ma Atinae a le Malo): Lau Afioa i le Fofoga Fetalai, e tulai atu e fia fesoasoani i le tatou mataupu o lo o falo nei ona e i ai foi si tamai tomali laitiiti foi i le mataupu lenei tau Community Law Centre. O le tomali po o se atamai laitiiti o ia te au, sa ou faigaluega ai i le mea lenei o le Community Law Centre i Niu Sila. E pei o le upu lea e silisili lava ona taua i le Tulafono Tau Faaofi lenei, lea peiseai e le o mamafa i sui usufono ua maea ona saunoo, o le upu lea o le Community. O le Community, o tagata lautele. O le upu lea e taua tele i le Tulafono Tau Faaofi lea. O le a la le uiga o le Community Law Centre? O lona uiga, o le Ofisa o Loia e agavaa uma i ai tagata lautele.

O lou experience mai Community Law Centre sa ou fesoasoani i ai, o i e afe gofie e tagata foi nei e le masani ona i ai ni a latou loia, e fefefe e o i totonu pei o saunoaga i le taugata o loia, ma e faafaigata foi lea ia latou ona o e vaai se ofisa loia i sara mataupu. O lou foi iloa i lou experience, e le faapea na o tagata solitulafono lea e o i le mea lea. O le tele ia o mataupu a nai o tatou tagata i Niu Sila e o ai e manaomia se fesoasoani po o se faamalalamaga a loia mai le centre lea, e available lava loia. O le isi foi mea taua, o le tele o loia e faigaluega i totonu o le mea lenei, o galuega e fai fua, e voluntary a latou galuega. E le faapea la e popole i le o atu po o a ni tau o le a tuu mai.

22 OKETOPA 2014

**Tulafono Tau Faaofi o Teuteunga o le Ofisa Autu o Mataupu
Faletulafono mo Tagata Lautele 2014 - faitauga faalua**

O isi Ofisa Loia tetele lava i Niu Sila, e i ai latou loia e ave i le mea lea o le Community Law Centre e provide ai a latou community service, e tolu i le fa'itula i le vaiaso, uma ia loia mai lea Matagaluega ma lea Ofisa Loia. O Ofisa Loia tetele, e le o ni tamai loia foi e faigaluega i i. O isi o head lava o kamupani loia e omai e fai le latou community service. E pei o le agaga lena o centre faapenei, e fesoasoani i tagata lautele without fear i le tetele o ni tologi e tapa. O le tele lava o loia nei e leai se latou tologi e tapa. O le latou community service lena i le atunuu. Atonu la o le faanoemoe foi lena o le Tulafono Tau Faaofi lea e taunatafai atu, a establish loa i lalo o le fund lea a le AusAID, ia ona taunatafai lava lea o le Advocate ma lana staff e sue ni a latou tupe e sustain ai le tatou ofisa lea, sa masani ona fai a matou mea foi ia vaeane lava le... mea o papakitu sosisi o sausage sizzle, o car wash, o mea na matou te o fai e lagolago ai le community centre lea, ona o lau galuega sa i ai e tele lou piliaga foi lea i le au solitulafono, pei o lea na talosaga mai lea i Centre lea, ou te alu atu, ia sa ou alu foi ou te volunteer i ai, e talanoa ia ia i latou ia e omai i fafo ma le falepuipui, e tele ia tulaga e manaomia ai lava e nai tagata ia le fesoasoani faa-Loia, e le o le fesoasoani lea e tana o le Ombudsman e eseese lava le Ombudsman ia ma galuega lea e fai i i i le tulaga lea.

E pei o le faaalualuga lena o sina au experience leaga o lea e fou mai le idea, e ese lava foi le Community Law Centre ese lava le Legal Aid la e manage foi e le Courts. O le mea lena mo le au solitulafono lava ia, o i foi e i ai lava i latou e solitulafono ae fuafua lelei lava i lalo o fuafuaga pei o lea ou te tilotilo atu i i o le Manager o le centre o le Public Advocate lea ou te vaai atu pei o latou na o lea e manage le ofisa lea i lalo o le vaavaaiga a le Komiti.

O le fesoasoani atu lena lau Afioaga i le tatou mataupu na ona tuuina atu o nai manatu e faufau ai le tatou Tulafono Tau Faaofi nei, ma lou faaalalo lava.

FOFOGA FETALAI: Malo faafetai fesoasoani mai i lau Afioaga i le Minisita.

Tulai mai lau Afioaga i le sui usufono mo Aleipata Itupa i Lalo.

Afioaga TAFUA MALUELUE TAFUA (Aleipata Itupa i Lalo): Faafetai lava i lau Afioaga i le Fofoga Fetalai, masalo e leai e le tele se leo ua maea foi ona faaalua le tele o finagalo o sui usufono mai i lena itu o le Maota e faapena foi ma le tatou itu.

E pau lava le tulaga na ou tulai atu ai ma le faaalalo lau Afioaga o le vaega lea tau tupe lea sa saunoa nei le Afioaga i le Minisita e uiga i mea o Neighborhood Law Office i Niu Sila. E moni lelei lava le saunoga a le Minisita, ua uma foi la ona fai lau fesili lau Afioaga i le Minisita a o faia le tatou malologa sailiga malosi, o lea la ua silafia e le Afioaga i le Minisita, ia ae malie o le a tuu atu pea leaga o lea ua aumai je avanoa ia ma ua leva lava ona ou taunatafai atu ae le i maua sou avanoa.

**Tulafono Tau Faaofi o Teuteuga o le Ofisa Autu o Mataupu
Faaletulafono mo Tagata Lautele 2014 - faitauga faalua**

O le mea muamua, sa ou fesili ina ua taumafai mai le Tulafono foi lea e fai ai le tatou fesoasoani mo loia le legal aid i le Ofisa o Faamasinoga le tupe lea e ave i ai e le Malo e faasafua mo tagata e vaivai le seleni. Ae sa ou fesiligia lava ma ou faanoanoa i le tulaga sa i ai lea tupe, aua pei e foliga mai e faituau lona vaega ona o le itu lenei, e na o tagata foi ia e solitulafono e ave i le Faamasinoga Maualuga po o le Supreme Court e eligible pe agavaa mo le fesoasoani tau tupe lea o le legal aid po o le fesoasoani faaletulafono e puipuia ai ia tagata ua molia i le solitulafono mamafa.

I lou lava la manatu i lea taimi ina ua fai mai le Tulafono lea, pe faituau le uiga o le Tulafono e na o tagata solitulafono mamafa, a o le Tulafono Tau Faaofi la lea ua aumai nei, e matua lagolagoina malosi e fou sui usufono, o le a ou le toe faaluaaina finagalo o nisi o sui usufono ua uma ona saunoo ai, ae na o nai manatu lava ia e lagolago i lau Afioga i le Minisita atonu e tuualalo atu pe aoga pe le aoga, ia a o le mea sili ua avatu, o le mea muamua la lena pei ona ou taua o le tupe. Sa ou faapea lava au ia Law Office o mea o Community Law Centre i Niu Sila pei ona saunoo le Minisita, e fai a latou sailiga tupe, pei o papakū ma mea faapena, e i ai foi ma latou tupe e avatu faameaalofa i nisi o isi Law Firms tetele po o Ofisa Loia tetele e le gata i lena ae faia lava foi ia grants foi ia pe aumai le fesoasoani mai le Council, ia po o isi vaega o lala o vaega tumaoti e aumai ai a latou seleni e fesoasoani i le faiga o latou galuega.

A o lou la manatu ma le faaloalo talu ai o lea e i ai le Ofisa Autu po o le Advocate lea e taua mai i le Tulafono Tau Faaofi, na o se tuualalo lau Afioga ae le fai ai, pe a pe a aumai le tagata lena e totogi e le Malo lea lava e i lalo o le Ofisa o Faamasinoga, ia ae sau pea le tatou funding lea ua alu i lalo o le legal aid faatele laititi le vaegatupe lena ona vavae mai lea o se vaega e fai ai le vaega o le Ofisa lea ma le toe tau faatu o se isi ofisa. Aua i lou talitonuga ma le faaloalo, o lea ua i ai ia le CEO o le Matagaluega, o lea foi o le a i ai le law advocate e na te vaaiia le vaega lea o Tulafono so o se tulafono e ese mai ai i tagata vavae adoption, o le tatalaina o faaiipoiga ia ma isi tulaga faapena o lea e le o aafia i lalo o le Tulafono lea tatou te talanoaina nei. A faapea la e aumai le vaega lea i lalo e faasoosa pea e le Matagaluega o Faamasinoga e le CEO tuu mai sina vaega mai le legal aid e vavae ese i le Advocate mo le faasoosaina o Loia.

O le isi fautuaga lau Afioga ma le faaloalo o lea sa maua foi i nisi o lauga, o le mea lea o le faigata ona tauva ia ni a tatou Ofisa Loia Tumaoti ia ma lea vaega foi o le auunaga, aua afai o le a tauva, ia ua defeat atoa le purpose e ave ai le mea i le private sector i loia ia e fai a latou private practice. Pei o le tasi lena atugaluga, ae leai o lena e i ina le tofa ma le utaga e fuafua ai foi lea tulaga.

E pei o nai manatu ia e tuualalo atu ai i lau Afioga ma le faaloalo. Manuia le Fono.

FOFOGA FETALAI: Malo faafetai. Ia e manatu o lea ua maea sui usufono sa.....oi le sui usufono mo Aiga i le Tai, sa e fia saunoo?

22 OKETOPA 2014

**Tulafono Tau Faaofi o Teuteuga o le Ofisa Autu o Mataupu
Faletulafono mo Tagata Lautele 2014 - faitauga faalua**

Le sui usufono mo Sagaga le Palefa, se i tulai mai le sui usufono mamalu ia ona tali ai loa lea o le Minisita.

Tota TUISA TASI PATEA (Sagaga le Palefa): Faafetai mo le avanoa, ia masalo toe tasi lava lenei itu ia ona maea loa lea faafetai lau Afioaga i le Fotoga Fetetai.

Ou te tulai foi e faailoa le lagolagoina o lenei Tulafono Tau Faaofi, e muamua ona faafetai i le Afioaga i le Minisita aemaise foi le faaluniluga o le Matagaluega ma le mamalu o le Matagaluega mo lenei Tulafono Tau Faaofi e ese le taua. E talitonu o le taua o lenei Tulafono, pei ona aumai i lalo o le Faavae ua silafia foi e le atunuu le aia tatau a le tagata i le Faamashinoga amiotonu le righteousness to justice. O le tulaga o lo o i ai nei, ia pei lava e foliga mai a tele au seleni ua tele foi lou avanoa e te access ai oe i lena aia tatau, ia a o nai tagata o le tatou atunuu le lautele o le atunuu, e le o maua le access lea, ia o i latou tonu ia ua tatau ma onomea i ai lenei Tulafono Tau Faaofi fou.

O le faaitaiaiga lava masalo pe silafia foi e nisi o loia le toatele o i latou e le o mafai ona maua ni loia o lo o i le Court, na ona tupu lava o le faaletonu, tasi lava le mea e silafia e le tagata na o le fale Faamasino ma leoleo ia na logoina atu e o atu i ai, ia ae le o malamalama i le tele o nisi o mataupu ia nai nisi o tatou tagata lautele. O le aoga la o lenei Tulafono Tau Faaofi ma lenei ofisa fou o le a faatutina, o le first point of call lea, o le faufautua muamua foi lea e agai i ai o tatou tagata nei e faamalalamaina o latou aia tatau ia e ala i le Tulafono lea. Ou te talitonu foi pei ona aumai e le vaega e 4(c), o lena e faamanino mai le tulaga lena, a maea ona filifili loa lea o le tagata ia pe atu e sue se isi ana loia tangata ia pe nofonofo ai pea i ina i le fesosonani a le Community Law Centre.

O le isi foi itu taua o lenei Tulafono Tau Faaofi i le matau atu, ou te talitonu o le a faafaiogofie foi galuega a le Matagaluega ia i latou o lo o faatinoina ia le fuafaina o Faamasinoga. Aua ou te talitonu o le tele lea o i latou o le tatou atunuu o lo o agai ai i o ona o le le malamalama o nai nisi o tagata – ma atili faatele ai foi galuega ma le vevesi o le Matagaluega pei lava foi ona faaila e le Afioaga i le Pule Sili o le Matagaluega i le talimi na talanoaina ai lenei Tulafono Tau Faaofi, ae ou te talitonu, a i ai le tatou Community Law Centre lenei, o lona uiga o i o le a focus i ai le auvaega ia e le o malamalama lelei, ia o i ina foi o le a aumai ai le faufautua mo i latou i le mea e ao ona fai. E pau lava sina faafitauli o lo o i ai i lou talitonuga o le Oversight Committee, ou te talitonu e na o le toatolu na o lo o i ai i ina, ia va fai sina latititi i lou talitonuga ia e fonu lava le toalua lena pei ona i ai le quorum line lena o lo o aumai ai i ina, ae i ai le talitonuga e tatau ona faatoatele laititi lena fuainumera.

Ia e toe avatu ai foi se faafetai tele ma le lagolago atili i lenei Tulafono Tau Faaofi taua aua o tatou tagata, faafetai.

**Tulafono Tau Faaofi o Teuteuga o le Ofisa Autu o Mataupu
Faaletulafono mo Tagata Lautele 2014 - faitauga faalua**

FOFOGA FETALAI: Malo. Ia tulai maia lau Afioga i le Minista e ana ia le Tulafono Tau Faaofi e tali faaiu, ia ona faasolo loa lea o le tatou Tulafono mo lenei aso.

Afioga Hon FIAME NAOMI MATAAFA: Faafetai lava i lau Afioga i le Fofoga Fetalai faapea foi sui usufono mamalu o e sa saunoo foi ma faaalua ia finagalo i lenei Tulafono Tau Faaofi.

Ou te manatu ou te le tali auilili i mataupu sa laga mai, ae ua ou vaai i se tulaga foi lea i le aootetelega o manatu ua faaalua. Pei o le vaega muamua ou te fia tali atu i ai, o le tagata lea e faufautua po o le Public Advocate, i le tuu faafeagai lea ma le Ofisa o le Loia Sili. Ia lau Afioga i le Fofoga Fetalai, atonu o le faa-Peretania o le Tulafono o le Public Advocate e tau maua mai ai le agaga o le faufautua lea o le faufautua mo tagata lautele, ae moni o le afioga i le Loia Sili o le Faufautua lea mo le Malo, e tau lava ina faamanino ia lena itu. Atonu ua tau o le Faufautua a le Malo ona o lea e faavae le tofi i lalo o le Tulafono lenei - ma atonu a outou silasila foi i ai i vaega o le Tulafono mo le tofia o lea tofiga, ia o lo o faia i lalo o le fautuaga e tuuina atu e le Kapeneta i Lana Afioga Mamalu, O Le Ao o le Malo, o lona uiga e tau mai ai i ina, o le tagata faigaluega a le Malo, ae galue e faufautua mo tagata lautele.

O le isi vaega pei ona aliai mai i le aotelega o finagalo faaalua, o le faapea mai, pe moomia moni lea auunaga, do we need the service, ona o lea o lo o i ai pea auunaga i vaega eseese o le Malo po o le Matagaluega po o le tatou Ofisa foi o Leoleo.

Lau Afioga i le Fofoga Fetalai, e pei foi ona ou talanoa atu ai i le faamalalamalaga o le Tulafono lenei lea na ou faapea atu ai, ua siitia le auunaga e ala atu i le nei Ofisa Tutotonu o le a faavaeina i lalo o le Tulafono lenei, e moni, e le faapea foi o faaletonu ia le auunaga o lo o tuu atu, ae ese foi lea vaega o le auunaga e lagolagosua ai pea i le mau sa saunoo i ai le sui usufono faatoa faamaui atu nei lona tootoo, i le avanoa tutusa lava lea o tagata mo mataupu faale-Tulafono po o le amiotonu. Ma o lo o lualuagaa lena lagona po o moomia lenei auunaga ma manatu, pe le o i ai isi vaega o le tatou Malo o lea o lo o faatino ai le fesoasoani lea.

Lau Afioga i le Fofoga Fetalai, e le o faatinoa e nisi vaega o le Malo le ituaiaga auunaga lea o le a galueaina i le tatou Law Centre lea. O le legal aid, o se fesoasoani mo le taui o Loia mo Faamasinoga, e i lalo o le Matagaluega o Faamasinoga ma ua i ai foi faiga faavae o lena fesoasoani - ma e pei ona taua foi e nisi o tootoo e faaagaaga lea mo le tatou Faamasinoga Maualuga i soliganulafono mamafa. Ma o ituaiaga soliganulafono na e taugata, ae pei foi ona malie i nisi o saunoaga ua faaalua e i latou o e ua silafia foi le ituaiaga galuega e faatino i totonu o auunaga faapenei, pei o nai Tulafono foi lea e fesoasoani ai i aso faipea i tagata po o le a le Tulafono e fai ai nei mea o tiute o taavale ma ituaiaga mea faapena e fai ma faataitaiga. E le na o tiute o aiaia ai mau gaotoiga eseese i totonu o lo tatou atunuu i mea a le Malo po o mea foi a kamupani lea lava o lo o aiaia i le mau Tulafono o lo o i ai nei.

22 OKETOPA 2014

**Tulafono 'Tau Faaofu o Teuteuga o le Ofisa Autu o Mataupu
Faatulafono mo Tagata Lautele 2014 - faitauga faalua**

Na tana ai foi le Ofisa o le Komesina o Sulufaiga, lau Afioaga i le Fofoga Fetala'i.....

Tofa Lealalepule Rimoni Aiafi: Lau Afioaga i le Fofoga Fetala'i.....

FOFOGA FETALAI: O le a tuina atu le avanoa pe a maea le folasaga a le Ministia. *(I le sui usufono mo Faleata Sisifo o lo o tulai).*

Tofa Lealalepule Rimoni Aiafi: O lea ua oo tonu le saunoaga a le Afioaga i le Ministia i le mataupu lea sa ou laga pe a talafagai ai i le Legel Aid.

FOFOGA FETALAI: Ou te masalo ona o lea e le i maea le saunoaga a le Ministia, aua masalo e oo lava i ai, ae a i ai loa se mea e le tana ona avatu loa lea o le avanoa.

Afioaga Hon FIAME NAOMI MATAAFA: Lau Afioaga i le Fofoga Fetala'i, ona pei lea ua faapea mai pe a le Ofisa o le Komesina o Sulufaiga ae tutu atu i ai. Atonu o lea ua saunoa le Ministia e faasino tonu i ai lea Ofisa, ae sa ou faapea po o le a ou tulai atu i le taimi na laga mai ai ona e matua sese lava lea mau. E matua esese maimao lava galuega a le Ofisa o le Komesina o Sulufaiga ma le tatou Law Centre lea.

O le Komesina o Sulufaiga e sulufai i ai tagata ua le mafai ona faamalieina o latou maaoga ona ua uma faiga. O faiga faavae a le Malo, o Ofisa ma le Faamasinoga, ae peitai, e le mafai lava ona faamalieina le tagata, ona tagi loa lea i ina i le Komesina o Sulufaiga, ae e leai ni galuega faalota e fai i le Ofisa o le Komesina o Sulufaiga, a o galuega susesue pe na lelei faatino auauanaga sa oo i ai le tagata lenei ua oo atu i lo latou Ofisa mo se fesosasoni.

FOFOGA FETALAI: E faamalu atu i le sui usufono mamalu, se i tutu pea le avanoa se i tali le Ministia. A maea loa e i ai ni mea e le i faamalieina ai, ona avatu loa lea o le avanoa. O lea e faasolo tali atu a le Ministia.

Tulai mai le Ministia e saunoa.

Afioaga Hon FIAME NAOMI MATAAFA: Lau Afioaga i le Fofoga Fetala'i, i le vaega lava lea muamua i le aotelega o finagalo ia e numai i le fesili pe mooomia lenei auauanaga.

O lona lua, pe e le o i ai nisi vaega o le Malo e mafai ona tutu atu i ai e pei o le Matagaluega o Faamasinoga i lalo o fesosasoni i le Legel Aid po o le Ombudsman Office? Ou te manatu lau Afioaga i le Fofoga Fetala'i, o le auga o finagalo ia ona o le mafaufauga e faapea ua toe faaopoopo mai foi isi tau i le Malo ma ana tupe e faagalue. Lau Afioaga i le Fofoga Fetala'i, e pei o se faiga lelei lea i le faaogaina o tupe a le Malo.

Lau Afioaga i le Fofoga Fetala'i, o faiga faavae a le Malo ina ia maua lava avanoa tutusa o tagata uma, po o fea lava le vaega o le Malo o lo o galue.

**Tulafono Tau Faaofi o Teuteuga o le Ofisa Autu o Mataupu
Faaletulafono mo Tagata Lautele 2014 - faitauga faalua**

E oo mai lava i le vaega lenei o Faamasinoga, o Tulafono ma le Amiotonu aua a le maua e le tagata soifua le atoatoaga o lana aiataatai i matata nei po o mataupu nei, e ese le tele o le afaina o lona soifua. O le faataua lena o lea e ave i ai e le Malo i le faavaaina o lenei centre fou.

Lau Afioaga i le Fofoga Fetalai, o lena ua saunoo atu nisi e masani i ia ituaiga auunaga o community centres. E moni e le alofia le faaahu o tupe a le Malo ma ua tatau foi ona faaahu, a o le agaga lava ia e pei ona i ai le faiga faapaaga ma loia, o le isi itu e faatupe ai nei ituaiga auunaga o fesoasoani. E amata mai lava i le Malo aua e tatau ona amatamnea le Malo, ae maua mai foi fesoasoani mai a tatou paaga ma nisi tagata o lo o agalelei mo lea faanoemoe.

Lau Afioaga i le Fofoga Fetalai, o lau tali atu lena i na vaega muamua o mataupu sa laga mai. Ioe, e moomia le auunaga ma e leai, e le mafai ona faatino i isi itutino o le Malo ona o la foi e galulue latou i matata faapitoa e le aofia ai le galuega a le community centre.

Ona ou oo mai ai lea i le isi vaaiaga lea e pei e tau maua mai i le aotelega o saunooaga e faapea, o le a tele lava se afaina o le aufaipisinisi. O ai la le aufaipisinisi lea tatou te talanoa i ai? O lea tatou te talanoa i loia. Lau Afioaga i le Fofoga Fetalai, o le isi itutino taua lea o lea e tuu mai i totonu o le Tulafono Tau Faaofi lea, o le Sosaiete a Loia ma o se faiga faapaaga aua e moni, o loia o tagata faipisinisi, a o tagata soifua foi e fia fai le latou auunaga mo tagata lautele. E leai se agaga o le Tulafono Tau Faaofi lenei e faapea o le a faaleaga ai pisinisi nei ona o lea o le a faoa ai le galuega. E leai o lea o le a fai i ai, aumai outou tauau, lagolago mai i le faanoemoe lenei. Mo ai? Mo tagata lautele.

Lau Afioaga i le Fofoga Fetalai, e pei o lea o le a tatou faitau i totonu o le Tulafono Tau Faaofi lenei i ni uiga e le o i ai, ma e le o i ai foi se faanoemoe e faaleaga pisinisi a alii ma tamaitai loia, a o le mea lea e manaomia o le latou lagolago mo lenei faanoemoe.

Ona tatou oo mai ai lea i le agaga lea e i ai i totonu o le Tulafono Tau Faaofi lea e faapea o le tagata faigaluega galue fua po o le voluntee. O lea tatou te malamalama uma i le upu lea voluntee o le galue fua e aunoa ma se totogi, a o lo o i ai foi atauga i totonu o le Tulafono Tau Faaofi, a faapea e talafeagai le i ai o se tau, ona fai lea o le fuafuaga i auata ua saunia. E pei e lualuaga le tulaga lea o le galulue fua po o i latou foi o lo o galulue ae maua so latou tau ma talanoaga ia e faia i luga o totogi ia e tau mai i totonu o le Tulafono Tau Faaofi.

O le mea moni lava ia, o totogi po o fees ia o lo o i totonu o le Tulafono Tau Faaofi lenei, o nai mea latii foi ia e faatino ai kopi o pepa, o le fai o peni ma le taimi o administration cost e galueaiina ai se mea. A o le faanoemoe lava ia o le autu, o galuega faalota pe a faapea o mataupu faatulafono e faanoemoe lava i le galulue fua ma le lagolago mai o le vasega o loia, ae a tatau lava ona fai se tupe, o lea foi o lo o sauni i ai le tatou Tulafono Tau Faaofi.

22 OKETOPA 2014

**Tulafono Tau Faaofi o Teuteuga o le Ofisa Autu o Mataupu
Faaletulafono mo Tagata Lautele 2014 - faitauga faalua**

Na aafia mai i saunoaga a sui usufono le talanoaina o mea nei o lala po o sectors e i ai le Law and Justice Sector lea o lo o faatulaga mai ai fuafuaga mo lo tatou Ofisa Tutotonu po o le centre. O se faiga lea a le Malo ua tuuifaatasia ai Matagaluega ma itutino esese o le Malo e tai tutusa a latou auunanga ma autu o lo o latou tuliloa. E fai lava ia ma faataitaiga le Law and Justice Sector. O vaega autu o lea vaega o le Matagaluega o Faamasinoga, o le Ofisa o Leoleo, o le Ofisa o le Loia Sili, o le Ofisa o le Law Commission ma key agencies foi ia a tatou aua e le mafai lava ona aveesea le PSC, o Tagata Faigaluega ma le Ofisa o Tupe aua tupe faasosoa. E i ai uma lava sui o Matagaluega i totonu o Komiti Faafoe. O Steering Committees ia o sector esese e i ai foi i totonu o le sector leni o le Law and Justice Sector.

O le lala ia o se auala e faatino ai galuega faale Malo ma o lea ua alu leni Paeatiga, na amata i le Paeatiga talu ai ona amata ona faatino galuega a le Malo faapea. O le agaga o le faatulai mai o lala po o sectors, ina ia faaleleia atili ai le galulue faatasi o itutino esese o le Malo i lo le mea foi lea o le tuliloa lava e le Matagaluega ia po o lea itutino o le Malo ana galuega, ae e tau tatai mai ina ia mafai ona fai faatasi se vaatiga e tuliloa ai autu lelei mo lea vaega ma lea vaega o le Malo.

Lau Afioaga i le Pofoga Fetala'i, e pei o le aoteteaga lena o manatu i lau matau atu i saunouaga a sui usufono, a o le autu lava o le Tulafono Tau Faaofi leni, o le vaatiga foi lea e tutusa lava tagata uma i luma o le Tulafono, aua a le lava le tupe a le tagata e totogi ai lana loia, ua le mana ia le tutusa lena. O le va la lena o lea e tuliloa e le Tulafono Tau Faaofi leni ina ia fescasoani i le lautele o le atunuu ina ia mafai ona faatanuunuina a latou aiataatau faaletulafono. Ma le faaalalo lava.

FOFOGA FETALAI: Malie lava lau Afioaga i le Minisita, o lo o i ai nai sui usufono ia na tutulai mai.

Tulai mai le sui usufono mo Gageamauaga Nu. 2 ona sosoo ai lea ma le sui usufono mo Faleata Sisifo.

Tofa Levapoto Talatonu: Faafetai lava i lau Afioaga i le Pofoga Fetala'i. Ou te masalo e le i mana lelei mai e le Tamaitai Minisita le tuatalo. Sa faaleoina foi le lagolagoina o le faanoemo. Na o le pau lava se tulaga sa tau faaali atu ai se manatu, o se amataga. Ona e foliga e tau talafagagai ma tutusa tute tauave. E amata mai ai i ina as a division, ona tatou fuafua lea i ai po o se mea e moomia tele e le atunuu lea vaega pe lea'i. Ona o lea foi tatou te fuai le tatou Mediator lea e faanoemo e manaia ona faatoto e le Malo, ae pei e le o lelei tele foi ona o la e pei e prefer tagata uma i le Court. E pei o le tasi lena vaega sa tau avatu ai se tuatalo i le Afioaga i le Tamaitai Minisita.

O le mea lea ua saunoua i ai le Tamaitai Minisita o le Komesina o Subfaiga, e sulu i ai le tagata ua le faamalieina i se mataupu. O lau tilotilo i le Community Law Centre lea, afai ua molia au e leoleo ae faamatatala mai le uiga o le moliaaga ae le malie i ai lou loto, o i ina la ou te agai i ai pe afai ua le faamalieina au i se moliaaga e tusa ai ma ala o le Tulafono.

**Tulafono Tau Faaofi o Teuteuga o le Ofisa Autu o Mataupu
Faaletulafono mo Tagata Lautele 2014 - faitauga faalua**

Ou te alu e faamalalama mai pe o sao le moliaga o au. E pei o le mea lena na ou fai atu ai, e tali tutusa mea ia e lua. Na o se mea lava e tuu atu i ou tafatafa pe e le ao ona amata mai ona o i latou ia o lo o i ai le tomai. O le tasi lena vaega sa ou tautala i ai, o le Komesina o Sulufaiga ona ua i ai le tomai faapitoa i mea ia. O lo o manino mai i le Tulafono le tulaga o se Ofisa Loia. E pei ona saunua le Afioga i le Minisita, o i ina e i ai loia ma o le mea tatau lena. Afai nei la e leai ni loia i totonu i ina e malamalama i le Tulafono.....

Afioga Hon FIAME NAOMI MATAAFA: Lau Afioga i le Fofoga Fetalai o le mea e fia faasao.

FOFOGA FETALAI: O lea ua maua lou finagalo ae se i faaauau le faamalalamaga a le Afioga i le Minisita.

Afioga Hon FIAME NAOMI MATAAFA: Ou te faamalie atu i le sui usufono, e le avefa lona finagalo e faapea e faasao ai le Ofisa o le Komesina o Sulufaiga e faapea ai o le sao lea, e sese lou taofi. O le Ofisa lea e faavae i le Tulafono lea e alu i ai le tagata e maua mai ai le fesoasoani mo lana solitulafono.

O le Komesina o Sulufaiga e alu i ai le tagata ona e i ai lona taofi e le i maua le tali o lona faaftaaili i auala ua saunia e oo lava i le Faamasinoga. Ua le maua le tali ona e le i uia auala sa tatau ona uia. O le galuega la a le Komesina o Sulufaiga o le suesue o ala o mea na uia. A o le galuega a le Ofisa lea e faatulai nei, e fesoasoani i le tagata i ona moliaga. E le avefa la le saunua mai pea o lau Afioga i le sui usufono o le a toso ai fua lenei mataupu ma faatupu ai pea le sese o lena manatu, e le taitai tutusa.

FOFOGA FETALAI: Malo. Ou te manatu ua manino le sui usufono mo Gagaemauga Nu.2.

Tofa Levaopolo Talatonu: Faafetai lava. E leai na o se manatu lava, ae le faapea o le a fai ai, e fai lava le mea e finagalo i ai lau Afioga. A o le mea lea na saunua i ai le Minisita mo Tina ma Tamaitai, Atinae o Nuu ma Afioga ma Agafesootai, e tatau ona silasila mamao le Minisita i mea o tagata e i ai o latou tomai i mea tau tulafono, mea tau law. O lau fesili lau Afioga, ua e le amanaia le Doctor of Law lea e i le Palemia?

FOFOGA FETALAI: Ia, se i tulai mai le Minisita mo Tina ma Tamaitai, Atinae o Nuu ma Afioga ma Agafesootai.

Tofa Hon Tolofuaivalelei Falemoe Leiataua: Lau Afioga i le Fofoga Fetalai, se i tali atu le fesili a le sui usufono. O lau faaaliga, o lo o manino lava, na agai i loia a le Itu le la, e le o aafia ai loia a le matou Itu. Se i vaai i ai i le manino o le mea a o lea lava e manao e faasese le mea.

22 OKETOPIA 2014

**Tulafono Tau Faaofi o Teuteuga o le Ofisa Autu o Mataupu
Faaletulafono mo Tagata Lautele 2014 - faitauga faalua**

Ua leva ona ou vaai i le sui usufono mo Saleaula, leega o lau uo, o talanoa lava ma le Taitai o le Ihu Agai ma le Sui Taitai, o lea la ua sau toe pulu mai foi ae pulu mai lava e sese. Ma le faaloalo.

FOFOGA FETALAI: Lealalepule, faitu maia o lea ua marinio le tali a le Minisita.

Tota Lealalepule Rimoni Aiafi: Faafetai lava i le Afioega i le Minisita mo le faamalamalama o le tatou mataupu. O le mea lea e toe fia faatepa lau Afioega, pei lava o le faamatalaga i le amataga, e taua le aano o le Tulafono Tau Faaofi, ina ia agavaa uma tagata solitulafono i le auunanga lea. O le mea lea e hupu, e \$200,000 lea e allocate e le Malo mo le legal aid.

La manuia foi a e alu atu i le Faamasinoga, e tau mai e le Faamasinoga, fai se loia a le tama lea po o le teine lea pe afai e mamafa faasalaga. O le mea la lea ua confuse ai lou mafautau, afai na o le \$200,000 lea e tuu i i mo tagata solitulafono mamafa, a o lea o le a set up le vaega fou lea, centre fou, ana po o le centre po o le a o le Ministry fou lava i lau tiotilo. O lea o le a set up atoā, tuu i ai ma se fia miliona e run ai, ae mama la faasalaga lea e tagofia i i. E le o mafai ona ave i ai faasalaga mamafa ia. O lea la e avatu ai le fautuaga, pe le mafai ona amatamata malie i se division foi lea i totonu, tai pei foi o le mea lea... ina ia o atu ni tagata, aua o le mea pe afai o le faiga lea na o le fautua ma soligatulafono mama. Ona la o lea ua le talafegai nei, na o le \$200,000 lea ua tuu ese e totofi ai loia mo tagata solitulafono mamafa, ae ua matura tele tele lea mea fou o le a fai. E sao e i ai atunuu i fafo, a o lena ua faafioega lelei lava lau Afioega i le saunoaga a le Minisita, e self funded mea ia, e le aumaia ni tupe a le Malo e fai ai, ma e donate taini o loia e o i ai. Afai la e faapena, ia manaia, Ua e vaai i ai i le set up ina o le ofisa, e le gata i le Pule, e i ai ma le Sui Pule, e i ai ma loia, o tagata e manage ina le ofisa, o tagata uma lava ia o lea e faasolo mai i le Tulafono Tau Faaofi e faia le ofisa fou.

FOFOGA FETALAI: Ia, o lea ua maua le finagalo o le sui usufono. Tulai maia le Minisita e tali faitu.

Afioga Hon FIAME NAOMI MATAAFA: Lau Afioega i le Fofoga Fetalai, o le tatou Tulafono Tumau e tulai i juga faautuleva e faamalamalama pe faasao. E pei la e maiāu atu o lo o faamalamalama atili pea finagalo o sui usufono i le mataupu lava lea faapea e amatamata malie ona o le tulaga foi lea po o le tau po o le tele o le tupe o le a alu i ai, po o le tau mataitu, pe lelei ma aoga lea auunaga. Lau Afioega i le Fofoga Fetalai, o le mea lea ou te fia faamalamalama atu i Afioega i sui usufono, pe a fai ma faataitaiga le faapea e faavae i totonu o le Ofisa lea o Faamasinoga. O le Ofisa o Faamasinoga, o le isi ana galuega autu o le auunanga mo Faamasinoga. E feteenai la le mea lea o le faafino o le auunanga mo le Faamasinoga e suesue ai soligatulafono, ae i le isi itu, e fesosoani i le tagata e finauina ai lana soligatulafono.

**Tulafono Tau Faaofi o Teuteuga o le Ofisa Autu o Mataupu
Faaletulafono mo Tagata Lautele 2014 - faitauga faalua**

E tatau lava ona tu eseese mea na e lua. E le mafai foi lea ona maua ma tuliloa le amiotonu pe a faapea e nunumi faatasi mea na. Ma ou te manatu, leai lafo maia lo outou faatuatuga o lea foi o lo o i ai le fuafua faataata e le gata i le Matagaluega, aemaise foi le lala lautele o le Tulafono ma le tuliloa o le amiotonu, e faatino lava i le auuala talafeaga. A o le mea taua, ia amata a o i ai se Tulafono e amata ai. Aua o mea uma lava e ao ona i ai le Tulafono e fai lea ma o tatou taiala i so o se galuega e faavaeina i totonu o le tatou Malo.

FOFOGA FETALAI: Malo faafetai. E manatu ua manino ma malamalama le folasaga a lau Afioa i le Minisita. E manatu foi o lea ua oo atu le tuualalo i lea ltu o le Maota, ia ave lea i uta, nuu atu i ou tafatafa e matimati ai o lo o i ina le uta a le faimea i le tatou Matagaluega, o outou tonu o lo o faatinoa galuega i aso uma ma le Tulafono.

Na faamaonia le lafo ma faitaaina le Tulafono Tau Faaofi o Ofisa Autu o Mataupu Faaletulafono mo Tagata Lautele 2014 i lona faitauga faalua.

FOFOGA FETALAI: E tusa ai ma le Tulafono Tumau, o le a tuuina atu lenei Tulafono Tau Faaofi i le Komiti o Mataupu tau Faamasinoga, Leo leo & Palepuipui ma Faamasinoga o Fanua & Suafa ma toe lipoti mai i le Fono Aoa o i se taimi o humanai.

**TULAFONO TAU FAAOOFI O LE FONO A LE AU TUSITALA
MA LE AU FAASALALAU 2014 – faitauga faalua**

FOFOGA FETALAI: Mo le silafia e lenei Palemene, o le Tulafono Tau Faaofi lenei sa faia lona faitauga muamua i le aso Fono Aokuso 19/8/2014. Tulai mai lau Afioa i le Palemia.

**Susuga Hon TUILAEPA FATIALOFA LUPESOLIAI AIONO NEIOTI
SAILELE MALIELEGAOI:** Lau Afioa i le Fofoga Fetalai ou te faatu le lafo, *Ina ia faitaaina nei si tamai Tulafono Tau Faaofi lenei o le Fono a le Au Tusitala ma le Au Faasalalau 2014 i lona faitauga faalua, ma ou te fia tautala puupuu i ai.*

Faaluaina e le Sui Palemia, Minisita mo Galuega Tau Alamanuia ma Atinae a le Malo ma le Minisita mo Tina ma Tamaitai, Atinae o Nuu ma Afioaga ma Agafesootai.

FOFOGA FETALAI: Tulai mai lau Afioa i le Palemia e saunoa faamalamalama.

**Tulafono Tau Faoofi o le Fono a le Au Tusitala ma le
Au Faasalalau 2014 - faitauga faalua**

**Susuga Hon TUILAEPFA FATIALOFA LUPESOLIAI AIONO NEIOTI
SAILELE MALIELEGAOI:** Masalo o le Tulafono Tau Faoofi lenei sa tatau ona fai i le 100 tausaga talu ai. O lona uiga ua leva ona tatau ona fai, a o lea faatoa mafai ona fai i lenei taeao. Pe a ma le 20 tausaga talu ai na amata faatalanoa ai foi le Tulafono Tau Faoofi lenei. Ona alu ai lava lea i le mea foi lenei o le sii ma nofo, sii ma nofo. O lea la ua maea ona fausia ma o le uiga puupuupu lava o le Tulafono Tau Faoofi, o le faavae o le Fono a le Au Tusitala, faatu pe faavae le fonu a le Au Tusitala ma le Au Faasalalau po o le Council ma le Sosaiete a le Au Tusitala Samoa ina ia mafai ona i ai se itutino latou te faatonutonuina le galuega tau tusitala ina ia tausisia mea o taitala e tatau ona limataitaiina ai le tusia o tala faasalalau. Ia o le Tulafono Tau Faoofi puupuupu lava lena lea e aumai ai i totonu tulaga taualoa o le aiaiga o le Tulafono Tau Faoofi mo le faatuuina o le Fono lenei, e faatu ai foi ma le Komiti Faatino, faatu ai ma le asosi a tusitala ma faatoato mai ai ma auala esese e faatino ai le galuega, faatoato mai ai foi ma auala e faafœ ai mea o faitoga a tagata, ona ua le tausisia taitala tatau ma le aoga, e tatau ona tusia ai tala.

Lau Afoga i le Fofoga Fetala'i, o le isi lenei tomai o lo o galulule ai i latou o le faasalalau o tala ina ia silafia ai e le lautele o le atunuu mea o tutupu. Po o fea lava le tulimannu o le atunuu o lo o tutupu ai, e le gata i tala i vaifanua, ae faapea foi ma tala o atunuu i fafo ina ia nofo silafia ai e tagata uma o le latou atunuu mea o tutupu. O tala o vaifanua ma tala o le va i fafo.

Lau Afoga i le Fofoga Fetala'i, e le na ma le laina le taua tele o le tomai lenei mo i tatau uma. E le gata ia i tatau uma, ae faapea foi i tatau tagata o i fafo. A o le faaautu o le taitala o le tomai lenei, ia sao ona tusia tala. O lea ua tatau matamata ma tatau faitau pea i tala o le lalolagi i isi foi tusitala o lo o latou faia le galuega lenei mo nusipepa tetele o le lalolagi ma Televisi. E suannalie tele ia i latou mea o taua, lea e iu lava ina maliliu ai le toatele. O tagata foi e tusitala, e le gata o i latou ua i ai le tomai faapitoa, a o ni tagata foi e totoa, e le fefe e o i mea o lo o tutupu ai faalavelave, ma o le toatele lava o i latou e maliliu ai, ina ia lipoti mai mea moni, tala moni, ae le o le aumai o tala pepelo. O i latou foi o isi tagata faipisinisi, aua e faamoemoe le latou foi lumanai o latou ma latou fanau i le maua pea o tala e fafia i ai tagata.

E i ai ia taimi e alu alu lava i luga foi o mea nei o le agega faipisinisi, ona amata loa lea ona sipasipa ese ma taitala, ua sau tala ua felanulanuai, ua le na o mea o tutupu, a ua ofi mai ai ma o latou manatu e le tatau ona felanulanuai se tala. I totonu lava o mea nei o nusipepa, e i ai lava le avanoa e faaati ai lou manatu i lalo o le vaega lea o le faatonu. A lipoti mai tala, e lipoti sao lava, ae faatoa maua le lipoti sao i lou alu e talanoa i e o aafia. O lona uiga o lea mea, a faapea o se taua i le va o ni tagata se toatolu, o Simi, o Kokoaraisa ma Fatai, e tatau lava ona e alu e interview uma le toatolu, talanoa i le toatolu lea, ona maua ai lea o le tala a latou uma, ona faatoa fau loa lea o lau tala faasalalau, ua i ai uma lava le toatolu. Ona tau loa lea o le mea lena, o lea ua paleni le tala, o lea ua aumai tonu lava le faamatalaga e aafia ai le toatolu.

**Tulafono Tau Faaofi o le Fono a le Au Tusifala ma le
Au Faasalalau 2014 - faitauga faalua**

E i ai isi togafiti e fai e le au tusitala, e o muamua faatalanoa le tasi po o Simi, ona omai loa lea ta, ae sau i lalo le pepelo tele lava ma e lapoa le pepelo, “E le i mafai ona maua le avanoa e faatalanoa ai le isi toalua.” Ona oo loa foi lea taeao maua le isi toatasi toe ta, tala atu taeao maua le isi toatasi toe ta. Ona maua ai lava lea o le ulutala i aso e tolu i le mea sa tatau ona tasi le ulutala. A o le a le mea e mafua ai? E mafua ona fai na mea sese ona o le tulaga lava lea i le tupe - o le tupe lava lenei e sese ai mea uma. A tuu mai la i se tamai atunuu pei o Samoa, si tamai atunuu lava laititi, ae o le mea o le nusipepa, oka oka oka, ma le anoanoai o le mau leitio. Ou te ofo foi au i le tupu o tala. A o mea nei o tala, e aafia ai tagata, e tupu ai le vevesi, aemaise lava pe a le paleni. O lona uiga ua le maua uma faamatalaga i itu uma o lo o aafia. E tupu ai le vevesi, ma o se itu maaleale tele lea i se tamai atunuu pei o Samoa. Aisea? Aua foi e tai aiga uma lava tagata uma, ma e te tusia loa se tala, e i ai le isi vaega e ono fiafia, ae i ai le isi vaega e ono afaina i lau tala lea ua tusi, aemaise lava pe a le paleni. E i ai mafuaaga, o le isi mafuaaga ona ua fai mai lou pule, o taeao le deadline o le tatou pepa, alu loa ma le tala, pe alu ai lava ma se isi mea pepelo e faaalua, ae aafia ai tagata, aafia ai loto ma oo atu ai ina tupu loa ma le vevesi.

O le agaga ia o le Tulafono Tau Faaofi lenei, o le taofia o le faatupu vevesi. E i ai isi taimi sa fai ai au interview, a o tofia au o le faasalalau mea a le HRPP. A uma la fono a le Kapeneta, talu ai ona o au o le Minisita o Tupe i lena taimi, pei o lau laulau lea e sau ai le tele o mea, o lena foi la na tofia ai au e le matou Palemia i lena taimi ou te alu e faasalalau pe a uma fono a le Kapeneta, ona ou alu loa lea faasalalau. Ona ou fai atu lea, tau mai lou igoa ina ia silafia uma ai e tagata. O le faatolu ea ona alu le mea ou fai atu i le isi alii, ‘ia tau mai lou igoa ma’ ae fai mai le tala a le tagata lea, ‘e le tau atua lou igoa’ ua fefe. O le mea na ou maua, o lea lava ua leva ona sue e se isi tagata le tagata lea, talu ai le tala matuia ua fai fua ai le latou aiga ma faalumalumaina ai. Ona sau lava lea e sue. Ae tilotilo atu la i le matou interview lea, faatoa na iloa ai le tagata tonu lea na tusia le tala. A o le alii lea, la te masani lava ona inu i le RSA, e le malamalama le isi i le isi. Ia alu loa lea faatali mai i le RSA, alu atu loa le Tusitala, “Ua a, ua e sau?” Tali mai, “Ioe.” “Ia se i faatau se ta pia.” Tago loa tuu i ai le pia, tago foi i lana pia ma fai mai, “E te iloa, se o le manaia ia o le polokalame lea a outou anapo, faatoa ou iloa lava o oe lea na ou fiu e sue lea na e tusia le tala lea na afaina ai lou aiga ae sese. E ese lou le alofa, ma o lea ia, o le a fai loa le tau.” Ia, fasi loa e lea, ona ave lea i uta uaea gutu o si tama. O le tulaga lena i mea nei o tusigatala lea tatou te talanoa ai. O se profession e ese le taua latou te tusitusi mai tala, e popoto foi e fai aualea e alu atu ai tala. E i ai le taimi e omai ai faasee oe, omai faapea mai, “Ua matou faalogo o le a faatu lau Vaega ia e alu loa oe i le atoa, ae o la e ua maua le latou tala e sau ai, ae leai e le moni. Ia, o mea faapena, o le atamamai ia e fai mea ia.

O le ala la lena, ina ua oo i le 2001, na fai ai lea o le iuga a le Kapeneta ina ia tele ma lava tala e ave mo nai a tatou tusitala aua foi o la e faalagolago i ai le tausiga o o latou foi aiga i le latou galuega.

**Tulafono Tau Faaofu o le Fono a le Au Tustitatala ma le
Au Faasalatala 2014 - faitauga faalua**

Na, uma loa le iuga a le Kapeneta faaalu loa, ae faaauata atu i le Ofisa Faasalatala faapitoca a le Kapeneta ma faaalu i nusipepa uma lava ma leitio. O lea la tou te silasilala i ai talu ona faatu mai lena itutino o le tatou Malo mai lava i le 2001, o lea la ua faia ai e le Malo le mea lea e fesoasoani ai i le Au Tustitatala ina ia maua pea tala mo a latou nusipepa, tala e anoa, tala e le aivaa, ae alu atu i iuga o tustitusiga mai totonu o le Ofisa o le Kapeneta, e le mafai ai ona nofonofu lava se isi ma fatufatu nisi ana mea faaopoopo, ma atili ai ona milomilo tala.

O le tulaga lautele lena lau Afioaga i le Fofoga Fetala'i lea e mafua ai le taumafaiga lenei. O se taumafaiga e fesoasoani ai i le Au Tustitatala. O le galuega atoa la a le Fono lea e faatu, o le Fono a le Au Tustitatala, ina ia mafai ai ona faatu le latou Fono lenei, e i ai foi ma le Executive Committee, e mafai foi ona latou suesuea ni faitioga ua avatu ona ua faaogassese e se tustitatala lona malosi faa-tustitatala e ave ai ni tala le moni, ona fai ai lea o faaiuga, ma o faaiuga foi ia latou te faia, o lea ua i ai le malosi o le Tulafono Tau Faaofu e aumai i totonu iinei, o lea ua atoa i totonu o le pepa lenei. Ua leva ona tusia le Tulafono Tau Faaofu, ma sa mafai ona tuu atu le avanoa e faatalanoa ai ma le Au Tustitatala, aua o le Au Tustitatala foi latou, e le o ni tagata e faigofofe, ona e i ai le latou mau foi lele, o lo o ia i latou le saolotoga e faaali saoloto ai o latou taofu e aunoa ma le taotaimonia. O lona uiga o le a lava le tala e latou te tusia, e le tatou ona faalavelaveina.

O le tulaga taua o le itu lea, ua uma ona taoto nisi o faamasinoga tetele na faafoe le Malo, ona o ni tala le faavaea sa tuuaia ai le tatou Palemia talu ai. O le matua maaoe o tala sa tusia e faapea e faavae i iuga o se saunoaga a le Palemia na fai i totonu o le Palemene lenei, ae le faavae, ona e le i saunooa ai le Palemia i se tulaga faapea. Ina ua tutilioa le mataupu lenei, sa tutumau pea le tustitatala sa faalogo i ai, sa faalogo i ai i le saunoaga lea. E sue atu i totonu a tatou faamaunauaga, e leai lava ma se mea faapena sa tusia ai. Ia, o le mea la lena sa oo i totonu o le Faamasinoga, e faamaonia pe sa saunooa le Palemia i le saunoaga lea e fai mai ai le tustitatala, o mea o lo o ou tusia atu i i, o mea na saunooa i ai le Palemia. Ia, e mafai lava la ona tuuaia faapea, po ua aveese ma faamaunauaga a le Palemene.

Ia manatua foi lau Afioaga i le Fofoga Fetala'i, o faamaunauaga a le Palemene, e le mafai ona suia. E uma loa lava ona saunooa le sui usufono, o la ua uma ona pue i a tatou masini faamau leo, ona ta sao loa lea i totonu ma aumai faamaunauaga o saunoaga ia na saunooa ai sui usufono. O le fesitila a le Faamasinoga e fitoitonu le Fono lea i le tausaga 1996. O le a le taimi? O le a le masina ina ua faagasolo le Faamasinoga? Alu atu le tali, o Tesema. O le a le aso? Tau le aso. Sa e faamaunauina? Ioe, sa ou faamaunauina i lau tusi. Le tusi lava lea e feualai ma le tustitatala a faatalanoa oe ona faamaunau ai lea o vaega e faavae ai lana tala o le a alu e tusi. O le fesili, o lena la e ia te oe le tusi? E leai. A o fea o i ai le tusi? Ua mu le tusi. Mu i le a? Mu i le afi. O le a le masina na tupu ai le afi? Na tupu le afi i le masina o Aperila. I le a le tausaga? O le tausaga 1996. Ona fai mai lea o le Faamasino?

**Tulafono Tau Faaofi o le Fono a le Au Tusitala ma le
Au Faasalalau 2014 - faitauga faalua**

O lena la sa faamaumau o le lauga na fai ia Tesema o le 1996, a o lau faamaumauga lena e faamaumau i tusi na, a o lau tusi na mu i le afi ia Aperila 1996, ae e le i oo ia Tesema. O le iuga lena o le faamasinoga, na faamaonia ai le le amiofonu o le faasalalau na faaleaga ai le Palemia.

E i ai ma le faamasinoga lona lua i le isi foi tusitusiga i le nusipepa lava lea na toe ave ai foi le mataupu lea. Ua ou taua le itu lea ona o le vaega tonu lava lea sa saililili ai le aiataua a lea e tautu i ai i latou o le Au Tusitala. O le aiataua la lena lea sa saililili uma lava i le faamasinoga. E matauitia lea faamasinoga, ua le faia muamua le faamasinoga e le Faamasinoga Maualuga ae ua lote muamua le mataupu i le Faamasinoga o Talosaga i luga o le talosaga e faapea; Ona o le mataupu tau le aiataua, o le mataupu e aafia ai aia o lo o i lalo o le Faavae, e le tatau la ona lotea muamua e le Faamasinoga. O Maualuga, ae tatau ona ave muamua e lotea e le Faamasinoga o Talosaga. O lena la sa ave ai loa i le Faamasinoga o Talosaga. O se mea maoae lena mea. Ona avatu loa lea o mau a itu e lua, o le iuga lena na fai, o le matua mafiafia o le iuga, ae o le iuga e faapea; "E leai se mea e igoa o se aia atoatoa e te saoloto ai e faaali ni ou taofi." O lona uiga e leai se absolute right to freedom of expression. E leai lava ma se isi e atoa i ai se aia faapena i lalo o le Faavae. O le mea la e tau mai e le Faavae; a faaoga loa aiataua ia e faaeteete i le faaogaina o lau aiataua. A faaoga loa lau aiataua ae aafia le aiataua a le isi tagata, ona e toaga lea e tapena ane ni au solo e solo ai lou afu pe a oo ina tagafia oe i le vevela o le mataupu. Aua o le iuga lena o le Faamasinoga, there is against the answer. E tatau, o lea ua faamaonia ua aafia le aiataua a le Palemia i le mea o le aiataua soona fai faavalevavea, ma ua faatonuina loa e le Faamasinoga Maualuga e faagasolo le faamasinoga, ma ua tau mai i ina ua uma le iuga.

Lau Afoga i le Fofoga Fetalai, o le mea o lo o ou taumafai e faamatalaina atu, ona o i lea sa soona fai ai le mea o le aia tatau faavalevavea e le au tusitala, e leai se isi e saoloto e i ai se saolotoga atoatoa, a fai lau aia tatau e soona faaali ai ou taofi, ia fai fuafua ina ne i afaina se aia tatau o se isi ona e nofo sauniuni loa lea i le anoano o puapuaga o le a oo ia te oe.

Lau Afoga i le Fofoga Fetalai, o i ina lea e faavae ai le Tulafono Tau Faaofi lena, ina ia faatonutonu tatau ai le amio a i latou o le au tusitala ina ia aveai latou o professional journalist ia professional i le faatinoina o le latou galuega.

E le i mamao atu i nai masina talu ai na faasalalau mai ai ia le faatulagana o le lalolagi o lea atunuu ma lea atunuu i le tulaga o le saolotoga o le aufaifai nusipepa latou o le au tusitala, ua faatulaga ai Samoa i le maualuga o le saolotoga o lo o i ai i le numera 40, ae faatulaga ia Amerika i le numera 45, o lona uiga, e sili atu le saolotoga o tusitala o lo o latou aeae ai i tofonu o Samoa nai lo Amerika i le Malo o Amerika, o lo o laulauvivilu i le freedom i le saolotoga le aia tatau o le saolotoga e faaali ai taofi. A o lalo lava i le selau ma ona tupu, e maua uma ai isi atunuu o le Pasefika e ese ai Niu Sila ma Ausetalia, i lalo lava i le selau ma ona tupu e maua ai isi atunuu o le Pasefika.

22 OKETOPA 2014

**Tulafono Tau Faaofi o le Fono a le Au Tusitala ma le
Au Faasalalau 2014 - faitauga faalua**

O lona uiga o le matua maoae o le tulaga taofiifi o lo o i ai Samoa i le faatulaga atu i isi atunuu o le Pasefika i le itu lava o le saolotoga o i latou o le au tusitala i le faatinoga o latou tiute.

Lau Afioaga i le Fofoga Fetala'i, ia o le tala atoa lena o le tatou Tulafono Tau Faaofi ma le faapogai ua ala ai ona fai. E toatele o tatou tagata e taumafai e mānanā ina ia faasao le faaleagaina o latou igoa ona o ni tusitusiga ma ni faasalalauga le faavaea i jurga o taitala tatou ma paleni o tala, a o le faaifitauli tele lava lea na tatou talanoa ai i le taeano, e alu atu e faafeagai ma le loia, ae tau mai, e \$30,000 e tatou ona totagi muamua, e oki ai lava i ina le mataupu, ia ona alu ai lava lea o faiga a le au tusitala. A o i, a i ai loa sina au mataupu, pau lava le mea o lou tusi, ave loa i o, na o sina au tusi lava e logo ai ia le fonono o le nusipepa lea le article lea, lea ua faaleaga ai au ma lou aiga, ia ona tagoifa loa lea o suesuega fai loa i ai jurga a le tatou Fono Faapitoa lenei faatonuonu ai le amio faapena foi ma le tomai a le au tusitala.

Lau Afioaga i le Fofoga Fetala'i, ia o si tamai Tulafono lena ma le faavae atoa lena o tatou Tulafono ua i lumamea nei, soifua ma ia manuia.

FOFOGA FETALAI: Malo faafetai saunua i lau Afioaga i le Taitai o le Malo. Ia e manatu ua...Ja o le a avatu pea le avanoa i a tatou tulaga masani, tulai mai le Afioaga i le sui usufono mo Falealupo.

Afioaga Hon AEAU PENIAMINA LEAVAISETA: Lau Afioaga i le Fofoga Fetala'i ma le pau o le Fonotaga a le Palemene, ou te tulai atu lava ma le ava e tatou ai ma le faaalalo e fia avatu se tuualalo e tusa ai ma le Tulafono Tau Faaofi matagofie tele, aemaise lava le saunouaga a le Afioaga i le Palenia, o ia foi lea e fitoitonu ma lenei Tulafono taua, o le matua taua o le Tulafono Tau Faaofi, ona o le fatu lea i so o se temokarasi i le faailoa i le atunuu. Ma i le saunouaga a le Afioaga i le Palenia, o le matua tauave, o le aia tatou. Ua saunua ua faafioaga lelei le Maota Fono i itaiga aia tatou amanania, faaalaloga, tausia, puipuita ma isi lava tulaga uma, faafetai, atonu o lea ua manino le faafioegaaga.

Na o se faafesili lava i le tatou mataupu lau Afioaga mo mea nei o aia tatou, aua o faalapotopotoga uma nei e pei uma lava e i ai le vaega, o le faafesili lea, pei ua tau le....so o se faalapotopotoga lava a i latou e professions uma e fai a latou sosaiete, ae i ai la sosaiete autu foi lea e vaai e le Malo le Council, a o mea nei o Sosaiete pei e tuu lava i le pulega a i latou e fitoitonu i ai, medical associationsso o se association, ae pei la o i, o lea la ua i ai ma le JAWS, haven't should be i le tulaga o le Tulafono, o lea la ua i lalo nei o le Malo, but any have a Council, o le mea la lea e tau faafesili atu ai, e i ai se journalist association, a Niu Sila po o se isi malo? Faapea lava au e pulea, o le manania ia o le folasaga e pulea faasalalauga ma solitulafono ma le gaogaosa o ia mea o tala. E i ai la le vaega lea o le sosaiete e i ai foi nai a latou....le au tusitala, ae i ai la tulafono a le Malo e faapitoa lava mo le vaaiiga o le sosaiete lea pe a sese. Ona aumai loa lea i le Tulafono o lea la e i ai le JAWS, le Journalist Council.

**Tulafono Tau Faaofi o le Fono a le Au Tusitala ma le
Au Faasalalau 2014 - faitauga faalua**

O lea foi la e aumai iinei i le Tulafono Tau Faaofi, ae aumai faatasi ai ma le Sosafete. Ou te manatua lau.....ia tulou sa tau fai atu lava lau tala i le Peresetene o le JAWS lea sa i i le ofisa lea o le Afioga i le Palemia, ou te le iloia po o i ina e sau ai le fausaga lea o le tuufaatasi o mea ia e lua, o le taua o le mea lenei o le saolotoga lea na folasia lelei ma matua maua lelei le ogaoga o le loloto o le taua o le faamatalaga o le freedom of expression, e taua tele. O lea la e tau fesiligia e lou mafaufulau lau Afioga, leaga e lua mea ia o le a pulea e le Malo e i ai i totonu o le lilo a le Malo, o le associations o latou nei e fai o tusitala atoa ai ma le Council.

Lau Afioga i le Fofoga Fetalai, o le mea e tau popole ai se talitonuga, afai e i i mea ia, e faigofie lava ona faapea, aua ne i soona fai se tala a se isi o lea e i ialo uma o le Malo mea. O ai e i ai i i le vaega lea, a o ai e i ai i i le Faamasinoga? A outou pulea le ulu ma le ogatotonu ma le siusiu, ae o a la isi mea e tau fai e isi.....? O le fesili lea.

Lau Afioga i le Fofoga Fetalai, leaga o le mea lea e ono tupu ai lè.....aua o le mea lea o le a aliali mai nei, o le a le sao lelei se tala pe moni, is a solid jurisdiction of the Government, o le auaii uma lava ia e i ai i totonu i i, faaeteete lava a outou tala seiloga ou te fai atu faatoo alu lea o se faamatalaga, o nai mea faapena. O mea uma ia ou te fai atu nei e laititi e faale ono tutupu ae tutupu, ae a tupu la, ia o i ina la tatou te oo ai i se tulaga matautia. E sili le puipuia nai lo le togafitia.

Lau Afioga o le tele ia o manatu atonu o lea e tofu uma lava le mamalu nei ma le lagona i le tulaga lea a o lea e fenumiai, ae pei o le faatofalaiga, pau le mea o le a tupu ai i i, o le a matua fefefe uma lava tagata e faitatala pe a i ialo uma o le Pulega e lua mea o lea o le a pulea i i. Tuu le avanoa le aia tatau i le tagata e faatino ai le latou galuega, ae aua le uua luga ma autafa, lau Afioga ua lava i i se manatu. Faafetai, manuia le Fono.

FOFOGA FETALAI: Malo o lea ua maua le finagalo o le sui usufono. Ia se i tuu atu le avanoa i le.....

Tofa Hon Tolofuaivalelei Falemoe Leiataua: Lau Afioga i le Fofoga Fetalai ona o lea ua fesili le sui usufono matua lea, masalo po o ua 6 paeatiga a le toaina ae na pau i le isi taimi, ae na i ai le taimi na pau ai, o le faaliliuina lena o lau tala, e le o le pau foi lele o le faaitipoga a o le pau ua le toe tulai mai i le palota.

Na ona ou fesoasoani atu ona o lea e mamafa i le tocaina le upu lea o le freedom of expression, po o le aiatatau e faaali ai lou finagalo. A tilotilo le sui usufono mamalu i le Article 13 po o le FuaIupu 13 o le Faavae o lena e faapea mai, “I le saolotoga o le tautala ma le faaaliga o taofi.” Ona e toe silasilila loa lea i le FuaIupu 2, “E leai se mea i le faafuaIupu A o lea la e te saunoo i ai ma mamafa i ai lou finagalo. O le FuaIupu 1 o le a aafia ai le faagaioitina o so o se Tulafono o lo o i ai nei pe taofia ai le Malo mai le faiga o so o se Tulafono i so o se itu e aveai ai le tuina atu e lena Tulafono o lo o i ai nei po o le Tulafono ua faapea ona faia.

22 OKETOPA 2014

**Tulafono Tau Faaofi o le Fono a le Au Tusifala ma le
Au Faasalalaau 2014 - faitauga faalua**

O taofitofitaga tatau i le faaaoigāina o le aia tatau, na tuuina atu e tusa ma aiatiaga o lena faa-Fuaiupu e tuu atu ai le saogalemu i le atunuu.” A e silasila i le faa-Peretania o le manino ia: “E le noatia le Malo i le faia o ni Tulafono e puipuia ai le tulaga o le soona lafo o upu.” O le aia tatau lena. Ia ma lou faaalalo.

FOFOGA FETALAI: Malo. Le sui usufono mo Aana Alofi Nu. 3, ona sosoo ai lea ma le sui usufono mo Faleata Sisifo.

Afoga TOFOLESULUSULU CEDRIC POSE SALESA SCHUSTER: Faafetai lau Afoga i le Fofoga Fetala'i mo le avanoa, e faafetai atu foi i le Afoga i le Palemia mo le faamalamalamaina o le Tulafono Tau Faaofi.

Lau Afoga i le Fofoga Fetala'i, muamua e lagolagoina e lou sui usufono le vaega o le Tulafono e faatutina ai le Media Council, ona o vaega pei ona faaalila e le Afoga i le Palemia le taua tele o le i ai o se vaega e mafai ona vaavaaia foi ma fuafuaina le faasalalaaina o faamatatalaga i totonu o le atunuu, e le gata o tagata taiioatasi ae faapea foi le lautele o le tatau atunuu.

Lau Afoga i le Fofoga Fetala'i, e i ai se talitonuga i lou nei sui usufono, e le tatau ona i ai i totonu o le Tulafono le vaega lea o le JAWS, pei ona faaalila foi e se tasi o sui usufono ua maea, o lou talitonuga o le Faalapotopotoga lea o Tusitala e tatau ona aveese mai ae focus le tatau Tulafono i le vaaila o le Council, ia le na o tagata tusitala a o isi media outlets uma o lo o i ai, o le taua lea o le fai o le Council o latou lea e oversee ina, e pei foi o nisi faalapotopotoga o inisinia, o loia o lo o eseesee uma profession, a o le Council lea e i ai le faamalumaluga i le Tulafono, pau lea o le vaega e tatau ona taua le....o le tatau Tulafono.

Ona ou see mai ai lea lau Afoga i le Fofoga Fetala'i nisi o vaega o le media council ou te talitonu e ao ona toe tagatagai i ai o le Tulafono. Muamua lau Afoga e i ai le vaega o lo o faasau ai i totonu ou te talitonu e le tatau ona tuuina ai, o le vaega lea e faapea, e avatu tupe e le Malo e faatino ai tute o le Council. Ua matauina o faalapotopotoga uma o lo o i ai i totonu o special law society pei foi ona maea ona tatau talanoaina o le Asosi o Fomai, Sosaiete a Inisinia, o lo o faatupeina lava e i latou. Peitai o le faalapotopotoga lenei o le Media Council, o lea e fai mai e avatu tupe mai le Malo e fesosasoni i le faatinoina o latou tute. O le talitonuga lau Afoga afai o se naunautataga ia ao lava ona faatupe e i latou.

O le tasi lea o vaega lau Afoga i le Fofoga Fetala'i, muamua e le o i ai se definition o le mea e tau o le Council o le Media i totonu o le Tulafono. O lou talitonuga e tatau ona i ai i totonu interpretation po o le definition ae leai ma se mea o le Tulafono e tau mai ai, po o le a le mea e tau o le Media, pe lavaa ai ia tagata tusitala, o tagata fai TV, o tagata inianeti. Ou te talitonu lau Afoga, e ao ona faamalamalama mai i i, ona e taua foi lea ona e faitaaina i le Tulafono ina ia iloa tonu, po o i ai ituaiga tagata o lo o pa'ino i ai lea Tulafono.

**Tulafono Tau Faaofi o le Fono a le Au Tusitala ma le
Au Faasalalau 2014 - faitauga faalua**

Lau Afioga i le Fofoga Fetalai o le isi vaega taua o lau vaavaai atu i ai i le Tulafono Tau Faaofi, o le faaiuga i se tagata e avatu se Tagi po o se tagata e faatu agai i se isi o le au tusitala po o le media, o faasalaga e i ai o le ave e faatoese pe faasalalau se faatoese, po o le laititi ifo i le 50 penalty points. E talitonu lau Afioga i le Fofoga Fetalai, e ao ona toe iloilo lea vaega, ona o le tele.....afai o le faasalaga lea e ave i se tusitala, ou te talitonu lau Afioga ia e atili ia pau le mea ia fai lau faasalalau e faatoese ai, e sao e sese oe, a o le tele o isi soligatulafono i nisi foi o sosaiete, ia o lo o mamafa ia faasalaga o i ai.

Lau Afioga i le Fofoga Fetalai, ou te talitonu e ao ona toe silasila i ai i faasalaga talafeagai. E le gata foi i lea aemaise lava ia taofiofi ai vaega o lo o faapea ona saunao i ai le Afioga i le Palemia ma o tatou vaai atu i ai i nisi o faamaumauga.

Lau Afioga i le Fofoga Fetalai, ona ou see mai laia i le vaega lea o le Executive. Ou te talitonu o lo o sau ai i totonu o le Tulafono, ia lima tausaga le loia ia le i lalo ifo o le lima tausaga le loia e mafai ona aveia ma taitai, po o se sui i totonu o le media council. O lea faatoa uma nei ona tatou talanoaina le Tulafono Tau Faaofi o Loia e mafai ona private practice ma Loia e mafai ona i totonu o le Community Centre, o le valu ma le fitu tausaga, peitai ane ua na o le lima tausaga, ia e le i mafai ona private practice nei Loia, ou te talitonu foi, e ao ona toe tagai i ai i se tausaga talafeagai ia mafai ai ona aumai i totonu o le Council se loia ua lava lona tomai pe equal foi i 8 tausaga o lo o i ai ona mafai lea ona private practice. Ia ma nisi foi e ao ona faamaioio ai i media representatives e toallima o lo o i ai i totonu o le Tulafono Tau Faaofi.

E ao i lou talitonuga lau Afioga i le Fofoga Fetalai ona maioio mai ituaiga media outlets e filifili mai ai o latou sui.

O se fesoasoani atu lea lau Afioga i le Fofoga Fetalai.

FOFOGA FETALAI: Malo faafetai. Ia, tulai maia lau Afioga i le sui usufono mo Faasaleleaga Nu.2.

Susuga PAPALII LIO FAAVAIVAIONANU TAEU MASIPAU: Faafetai i lau Afioga i le Fofoga Fetalai mo le avanoa. Atonu o lea ua manino le folasaga a le Taitai o le Malo i le aoga ma le taua o lenei Tulafono Tau Faaofi aemaise lava i latou ia o le Au Tusalala. E talitonu foi e i ai nai manatu e fia tuualalo atu ai aua le faamoemoe o lenei Tulafono Tau Faaofi.

O le agaga e fia avatu i luma o le Maota lau Afioga i le Fofoga Fetalai, o le faatuatua i le Au Tusalala po o le au faasalalau aua o lea ua saunao manino le Palemia, e tasi lenei profession taua ma ou te ioe foi i ai. E pei o le agaga o se taofi ona o le faatulaai mai o le Fono a le Au Tusalala po o le Media Council. E pei ua mafua ona faatulai mai ona o faasea a nisi ua aafia i tusitusiga a le Au Tusalala.

22 OKETOPA 2014

**Tulafono Tau Faaoifi o le Fono a le Au Tustiala ma le
Au Faasalalau 2014 - faitaunga faalua**

O lea foi la ua aumai ai ma le Sosaiete a Loia ma ua fesiligigia ai pe aisea ua le ave ai le faatuatuga ma le faamuamua i le Sosaiete a Loia, a o lea e pei ua ave le faamuamua i le Sosaiete a le Au Tustiala, aua e ao ona silasila i mea nei o faasea aua o faasea e saunia ma... code of practice e saunia e le Au Tustiala. O faasea foi la e tita i luga o faasea i a latou code of practice. O lona uiga o la lava e silafia e le Au Tustiala aua o i latou na faustaina.

O le agaga o se manatu o le faatuatuga mo i latou, le Au Tustiala ina ia iloiloi muamua e le Sosaiete lea, aua o le Sosaiete lea o lea e i ai le latou Executive Committee lea e i ai le Peresetene, le Sui Peresetene ma tulaga tofi uma, aua o i ina e iloiloina ai ona e tatau ona ave pea le faatuatuga ma le faamuamua ia i latou e ona lea potu faapitoa ina ia latou susueina. E pei lava foi o le Tulafono a Loia lea na uma atu nei, o le Sosaiete lava a Loia e ave i ai faasea ma fai e latou faituaga. E pei o le agaga lena o se manatu, pe o le a le mea ua fai ese ai faapea le Au Tustiala ona o lea e pei ua faamuamua mai le Media Council ae faamulimuli mai le latou Sosaiete. E pei o le agaga lena o lea e tau manatu i ai, ona o se faatuatuga. E tatau foi ona ave i lea foi vaega auunaga ina ia faaitino pea e latou. E oo lava i a latou susuega ma mea uma lava e faaitino lava e latou.

Aua o le Tulafono a Loia lea na uma atu nei, a faapea ua le gafatia ma le faaitinoina e le Sosaiete se faituaga, ia fai loa se isi body e toe agai i ai. E pei o le agaga lena, o le faatuatuga i lea matafaioi taua. E taua mo le faasalalauina aua le silafia lautele, ae sao foi le saunoaga a le Taitai o le Malo e ao ona fai faituaga, ae ia muamua ona silasila i ai le Sosaiete ma le Komiti o le Sosaiete ona faatoa faaitino ai lea o faasea.

O lona lua o manatu, a silasila nei la i le fonu a le Au Tustiala po o le Media Council, e toa 11 sui auai. A silasila i ai e toa 6 i latou e le o ni tustiala, ae toa 5 tustiala. O lea e auai ma sui o nuu ma afroaga lea e sau i totonu o le Tulafono Tau Faaoifi lenei. O le fesili ne i fai...mo se faataga, afai nei la se fonu ae toaititi tustiala ae toatele sui o nuu ma afroaga e fata se faituaga, e le fetau ma o mea faapena e faano tutupu. E tau vaavaai molimoli atu faapena se manatu ona o le agaga ina ia talafeagai ma ia lelei atoatoa mea uma. E oo lava i susuega o faasea ma mea uma, e tatau lava ona lava salililiga ma ia lava foi le silafia a i latou faapitoa i lea matata ina ia maua se faituaga talafeagai ma fetau.

E pei foi ona laga e nisi sui usofono, o lea o le a faatupe e le Malo fuafuaga nei aua o le mea moni lava ia, e pei foi o isi Sosaiete na uma atu nei, e le mafai ona faatupe e le Malo, a o la e faatupe lava a latou fuafuaga e a latou Sosaiete, a o lea ua faatulai mai le Sosaiete e pei o lea o le a faatupe e le Malo. O se manatu lena e ao ona faasaoina mai a tatou seleni.

O le sao lena i lenei foi Tulafono Tau Faaoifi.

FOFOGA FETALAI: Malo faafetai. Tulai mai le sui usufono mo Faleata Sisifo.

**Tulafono Tau Faaofi o le Fono a le Au Tusalala ma le
Au Faasalalau 2014 - faitauga faalua**

Tofa LEALALEPULE RIMONI AIAFI. Faafetai lava i lau Afioa i le Fofoga Fetala'i mo le avanoa ma e faafetai foi i le Afioa i le Palemia mo lenei Tulafono Tau Faaofi.

So o se saolotoga lava e i ai ona tapulaa. E le faapea e tuu saoloto i so o se mea lava, ae e ao lava ona i ai sina control. E tatau foi ona maunitino, tatou te le o taumafai e punipuni pe taofiofi ni finagalo faaalii, ae ia faaati i le agaga e tonu ma sao e fai ai. Ua fetau lava le talanoaga o le mataupu lenei ma le mea iea ou te fiafia i ai i le aso lenei. Na ou usu mai i le taeao ae talie atu faipule ma le Taitai o le Itu Agai ia te au ma fai mai, "Sole, a e sau i le Fono o lena ua aveese lou matai?" Na ou fai atu pe ua aveese e ai, ae fai mai, "Na sau faasalalaua i le televise anapo ma le nusipepa, na aumai faapito ai lava i luga lou igoa i le lisi e faapea ua aveese lou suafa matai." Na ou fai atu, "O ai lena le mafaufau ua ia faia lena faasalalaua e aveese lou matai."

O le mea matautia lea ou te talanoa atu ai, irresponsible reporting. E tele le aafiaga, ae ona o au o le tagata loto faamagaio ma ou te thrive i mea nei o challenges ou te le popole i ai. A o le mea lea e fai atu ai nei, sa tatau i le Televise Samoa i le taimi o le a fai a latou faasalalaua ona valaau atu au pe tapa foi se faatuga a le Faamasinoga po o le Land and Titles Court pe moni faasalalaua ia e alu atu ma lea tagata. Aua e le faapea e tafao, tafao lava lea tagata i le auuala sau alu atu ma le faasalalaua faapea ua aveese le matai o ai ma ai ma Lafai. Ua nonofo lava latou ma faasalalau, ae e le gata foi i le televise a o nusipepa. O lea na ou fai atu nei i le sui usufono mo Faasaleteaga Nu 2.....

Susuga Hon Tuilaepa Fatialofa Lupesoliai Aiono Neioti Saillele Malielegaoi: E fia fesili atu lau Afioa i le Fofoga Fetala'i.....

FOFOGA FETALAI: Malie le sui usufono.....

Susuga Hon Tuilaepa Fatialofa Lupesoliai Aiono Neioti Saillele Malielegaoi. O lona uiga o le tagata na faia le faasalalaua o se tagata tafaovale?

Tofa LEALALEPULE RIMONI AIAFI: E le gata ina tafaovale ae ma'i.

FOFOGA FETALAI: Ou te fautua atu i le sui usufono mamalu. Silasila foi, na ala ona ou tuuina atu le avanoa.....o lea o le a oo ina iloa le tagata lea sa fata fuafuaga ia, ae ou te puipui foi i Tulafono Tumau aemaise o aiataata a i latou e le mafai ona tali mai i taimi o a tatou Fonotaga.

Le sui usufono mo Faleata Sisifo, o lo o i ina le tofa ma le faautautaga i lau Afioa. O mataupu tau lotoifale e ia te oe lava ia ma lou itumalo. E fofo lava e le alamea le alamea, ae ou te manatu ona o lea ua tatou tu lalata i lo tatou taimi malolo. E momoli atu le faafetai tele i le paia ma le mamalu o le Maota i lenei vaega o le aso. E toe faaauu lau lauga pe a tatou toe foi mai taeao.

22 OKETOPA 2014

**Tulafono Tau Faaofii o le Fono a le Au Tuititila ma le
Au Faasalalau 2014 - faitauga faalua**

E i ai le agaga ua tele ma anoanoai sao taua i le faatulai mai o a tatou galuega i lenei aso. Ua tele a tatou Tulafono ua pasia aloaia le faitauga faatolu ma ua tele foi ma anoanoai a tatou Tulafono ua faitau faalua. O lea foi ua tatou agai e fauililuiina nisi o Tulafono Tau Faaofii taua e pei ona i ai le Tulafono Tau Faaofii lenei o lo o auga i ai le finagalo o le Taitai o le Iru Agai aua o le uo mamae a Ofisa Faasalalau faapea foi ma le Sui Taitai, ona e faafia tele e agai i o, a le malilile atu iinei ona o lea i o. E ui i lea e faafetai atu i o outou sao taua i lenei vaega o le aso.

E momoli atu foi le faafetai tele i le paia ma le mamalu ua tatou faatasi i Faaululuga o Matagaluega ma Faalapotopotoga a le Malo, malo i lo outou agai mai aua le faamaopopoina o a tatou galuega.

E faamanatu atu o lea sa taua ananafi o nei la tatou puega-ata. O le faamoemoe ina ia fai ma a tatou records i tulaga masani ona e le taupule se isi o tatou ma le finagalo o le Atua. O lea foi ua fai i lagi le folauaga a nisi o tama na tatou galulue faatasi, ae e le i maua ni o latou ata i le taimi o tatou Fonotaga. O le tatou ata aloaia lea ua faatulaga pe a maea la tatou Fonotaga nei, o le ata atoa mo le tatou Maota Fono e aofia ai le Palemene atoa, ona agai ai lea e pue le ata o le Taitai o le Malo ma le Kapeneta, o Vaega Faapuufai, ona faasolo mai ai lea i a tatou Parliamentary Committees.

O lo o ua i ai le faamoemoe e tatalo atu ai ina ia onosai mai lo tatou Maota ona o lo o taumafai e pue uma ata o Taitaifono ma a outou Komiti e amata mai lava i le Komiti o Tulafono Tumanu o lo o aofia ai au, le Taitai o le Malo ma nisi o le Maota. Privileges and Ethics Committee, Komiti o Tupe Maua ma Tupe Totogi, Komiti o le Soifua Maloloina, Galuega tau le Va Fealofai, Mataupu tau Lotofale ma Ainae o Aifoaga ma Agafesootai, Komiti o Mataupu tau Aoga, Saienisi, Resootaiga ma Faamatalaga Tekonolosi, Komiti o Mataupu tau Faamasinoga, Leooleo & Falepuipui ma Faamasinoga o Fannua & Suafa, Komiti o Oloa Gaosia Tulaga Muamua, Mataupu tau Pisinisi, Alamannua ma Leiipa, Komiti o Faafoga tau Pulega a le Malo, Komiti o Galuega, Felauaiga & Siosiomaga, Komiti o Mataupu tau le Va i Fafu, Fefatauaiga ma Tupe Maua, Komiti mo le Toe Hooliloga o Tulafono Faatonutonu ma le Komiti mo Ofisa o le Palemene.

O le agaga ma le faamoemoe, o le fia faamauina pea i Faamaumauga a le Palemene ina ia maua ai taimi sa outou alofaiva ai ma tatou galulue faatasi ai i lenei Pacaiga.

O le a faau le Fonotaga, e tatalo atu ai i le Afioaga i le sui usufono mo Falelatai ma Samatau, lau susuga i le Alii Aoa o fai mai se tatou tatalo e faau ai le tatou Fonotaga, ona tatou malolo ai lea.

***Na motusia Felafalagaiga ina ua tolopo Tauulumaa a le Fono Aoa o le
tula e 1:02 i le aaufi seia autia le tula e 9:00 i le taaga o le Aso Tofi, 23
Oketopa 2014.***

